

PROGRAMI BUXHETOR
AFATMESËM
2021-2023



	Faqe
Hyrje	2
KAPITULLI I Procesi i Programit Buxhetor Afatmesëm dhe Roli i tij	3
KAPITULLI II Prioritetet Afatmesme 2021 – 2023	5
KAPITULLI III Parashikimet Buxhetore Afatmesme 2021 – 2023	13
III.1 Të Ardhurat e Bashkisë së Tiranës për Periudhën 2021 – 2023	13
III.2 Transferrat nga Buxheti i Shtetit	33
III.3 Burime të tjera financimi / Donacione	35
III.4 Parashikimi i shpenzimeve për Periudhën 2021 – 2023	39

HYRJE

Hartimi i Programit Buxhetor Afatmesëm (PBA), mbështetet në ligjin nr. 9936, datë 26.06.2008 për "Menaxhimin e sistemit buxhetor në Republikën e Shqipërisë"(i ndryshuar), Ligjit nr. 139/2015 "Për vetëqeverisjen vendore", ligjit nr.68/2017 "Për financat e vetëqeverisjes vendore" dhe në Udhëzimet e Ministrisë së Financave për përgatitjen e buxhetit vendor.

Programi Buxhetor Afatmesëm i Bashkisë së Tiranës është hartuar në bazë të funksioneve të pushtetit vendor të përcaktuara në ligjin nr.139, datë 17.12.2015, "Për vetëqeverisjen vendore", në strukturat buxhetore të programeve që parashikojnë aktet ligjore mbi buxhetin referuar dhe ; udhëzimit nr.10 datë 28.02.2020 të Ministrit të Ekonomisë dhe Financave "Për përgatitjen e Programit Buxhetor Afatmesëm Vendor 2021-2023"; udhëzimit plotësues nr. 27 datë 10.07.2020 të Ministrit të Financave dhe Ekonomisë "Për përgatitjen e Programit Buxhetor Afatmesëm Vendor 2021-2023" edhe në funksionet që ushtron aktualisht Bashkia e Tiranës. Dokumenti i PBA-së, prezanton me detaje qëllimet, objektivat dhe produktet për çdo program buxhetor. Objektivat e çdo programi janë përcaktuar nga Njësitë Shpenzuese të përfshira, në përputhje me funksionet dhe qëllimet përkatëse.

Projekt-buxhetet bazohen në vizionin tonë për Tiranën e së ardhmes, e cila para së gjithash duhet të jetë një qytet i jetueshëm, me infrastrukturë moderne e transport publik cilësor, me shërbime efikase e cilësore, me mundësi investimi për sipërmarrësit, me një jetë kulturore të larmishme e me hapësira të dedikuara për fëmijët, të moshuarit, këmbësorët e çiklistët. Sektorët parësorë të zhvillimit dhe prioriteti i shpërndarjes së burimeve për periudhën 2021-2023, bazohen në programin qeverisës të Kryetarit të Bashkisë për vitet 2019-2022, i reflektuar në Strategjinë 5 vjeçare për Zhvillimin e Qendrueshëm të Bashkisë Tiranë. Këto prioritete janë gjithashtu shprehje e kërkesave të qytetarëve, nëpërmjet anketave në të gjitha Njësitë Administrative si dhe në diskutimet publike, të cilat për këtë vit, në kushtet e e pandemisë, janë organizuar në mënyrë tematike, në pamundësi për të të organizuar dëgjesa me 27 Njësitë Administrative, sikurse është bërë traditë.

Viti 2020 ka qenë një sfidë edhe për Bashkinë e Tiranës si rrjedhojë e pasojave të tërmetit të 26 Nëntorit 2019 si dhe Pandemisë COVID-19. Në fund të vitit 2019 nisën programet e rindërtimit, fillimisht me subvencionimin e qerasë për familjet e prekura nga tërmeti, dhe më tej në vitin 2020, me akordimin e fondeve buxhetore nga Qeveria, për programet e tjera si, për rindërtimin e banesave individuale, për ndërtimin e infrastrukturës arsimore, publike, ndërtimin e njësive të banimit, akt-ekspertiza, plane të detajuara vendore, grante rikonstruksioni

KAPITULLI I

PROCESI I PROGRAMIT BUXHETOR AFATMESËM DHE ROLI I TIJ

Hartimi i PBA-së përbën një proces shumë të rëndësishëm për Bashkinë e Tiranës, pasi ky dokument siguron mekanizmat e nevojshme përmes të cilave, objektivat prioritare të identifikuar në Strategjinë e Bashkisë së Tiranës, të integrohen sa më mirë në procesin buxhetor. Rol domethënës në hartimin e kësaj PBA-je kanë luajtur edhe qytetarët e Tiranës, të cilët në kuadër të takimeve “Buxhetimi me pjesëmarrje” kanë shprehur prioritetet e tyre për shpenzimet publike.

Objektivat e Programit Buxhetor Afatmesëm:

- a. Përmirësimi i menaxhimit dhe rritja e efijencës së përdorimit të fondeve publike, është objektivi parësor i PBA-së, në funksion të të cilit, angazhimi dhe mbështetja serioze e me përgjegjësi të lartë e të gjitha njësive pjesëmarrëse në PBA, mbetet thelbësore për ecurinë e suksesshme të këtij procesi.
- b. Sigurimi i një shpërndarjeje të drejtë efiçente i burimeve është objektivi nëpërmjet të cilit synohet të arrihet:
 - Një kuadër i qëndrueshëm planifikimi afatmesëm, brenda të cilit të planifikohen buxhetet vjetore,
 - Lidhje e drejtpërdrejtë mes programeve politike të Bashkisë dhe alokimit të burimeve.

Qëllimet e Programit Buxhetor Afatmesëm:

- Sigurimi i një buxheti të qëndrueshëm, mbështetur në objektiva dhe prioritete afatmesme (tre vjeçare), brenda një kuadri realist makroekonomik dhe fiskal;
- Inkurajimi i efektivitetit, efiçencës dhe ekonomisë në kryerjen e shpenzimeve publike dhe alokimin e burimeve;
- Forcimi i disiplinës fiskale.

Roli i Programit Buxhetor Afatmesëm:

Programi Buxhetor Afatmesëm është instrumenti më i rëndësishëm i menaxhimit financiar, i cili synon integrimin e programit të Kryetarit të Bashkisë së Tiranës për mandatin 2019-2022 me nevojat e qytetarëve duke i përkthyer në politika vendore dhe konkretizuar në plane shpenzimesh.

Ky dokument synon të informojë Këshillin Bashkiak të Tiranës dhe publikun e gjerë lidhur me planet afatmesme të shpenzimeve të Bashkisë, të cilat do të çojnë në arritjen e objektivave strategjike të programit të Kryetarit të Bashkisë së Tiranës.

Dokumenti synon t’i japë mundësinë Këshillit Bashkiak, si organ vendimmarrës, për të zhvilluar një kuadër të qartë burimesh në periudhë afatmesme që do të shërbejë si bazë për planifikimin vjetor të shpenzimeve korrente dhe kapitale të Bashkisë.

Ky program iu shërben gjithashtu Njësive Shpenzuese pasi mundëson përcaktimin në mënyrë të qartë prej tyre të politikave dhe programeve për çdo aktivitet, për të përcaktuar kostot dhe

prioritetet e tyre brenda kontekstit të burimeve të disponueshme, në mënyrë që burimet financiare të mund të alokohen tek programet prioritare në periudhën afatmesme.

Ky proces synon parashikimin e të ardhurave dhe shpenzimeve aktuale, si një mjet që përkthen qëllimet dhe objektivat strategjike në synime financiare, duke prezantuar politikat fiskale dhe financiare të Bashkisë së Tiranës.

Struktura e përgjithshme e Programit Buxhetor Afatmesëm:

PBA-ja është hartuar në bazë të programeve, ku çdo program lidhet me një funksion të veçantë të pushtetit vendor, brenda të cilit janë përfshirë një ose më shumë Njësi Shpenzuese, në përputhje me funksionet dhe qëllimet përkatëse. Dokumenti i PBA-së, prezanton me detaje qëllimet, objektivat dhe produktet për çdo program. PBA-ja është hartuar për të gjitha programet e Bashkisë dhe është fokusuar në programet prioritare, të cilat janë shprehje e kërkesave dhe nevojave të komunitetit duke u ndërthurur me programin politik të Kryetarit të Bashkisë.

Për çdo program janë parashikuar të gjitha shpenzimet që do të shërbejnë për realizimin e objektiveve të tij, sipas llojit dhe Njësive Shpenzuese.

Shpenzimet:

- a. Shpenzimet korrente (paga, sigurime, shpenzimet operative dhe të mirëmbajtjes etj),
- b. Shpenzimet kapitale.

Njësitë Shpenzuese:

- a. Aparati i Administratës së Bashkisë së Tiranës
- b. Institucionet e varësisë

Konsultimi i Programit Buxhetor Afatmesëm:

Bashkia e Tiranës i jep përparësi thelbësore përfshirjes qytetare si hallkë e rëndësishme në vendimmarrje, për sa i përket projekteve, investimeve dhe shërbimeve që ky institucion garanton ndaj qytetarëve të kryeqytetit. Vendimmarrjen me pjesëmarrje Bashkia e zbaton edhe në bazë të parimeve themelore të funksionimit të një qeverisje demokratike dhe të shtetit të së drejtës, parime të tilla si: parimi i transparencës, gjithëpërfshirës, zbatimit të ligjshmërisë, subsidiaritetit, etj.

Për shkak të masave kufizuese të zgjeruara gjatë muajit nëntor, në kuadër të Pandemisë Covid-19, dëgjesat dhe konsultimet publike mbi projektbuxhetin me pjesëmarrje nuk ishte e mundur të realizoheshin në të 24 njësitë dhe 3 lagjet e Bashkisë së Tiranës, sikurse organizohen cdo vit nga Bashkia e Tiranës.

Megjithatë, për të siguruar kontributin e qytetarëve në projekt-buxhetin 2021-2023, Bashkia e Tiranës ka realizuar një anketim të qytetarëve në të gjitha Njësitë Administrative si dhe një numër të kufizuar dëgjesash publike tematike, ku janë diskutuar çështje që lidhen me fushat kryesore të zhvillimit të qytetit, si infrastruktura publike, ekonomia dhe biznesi, shërbimet sociale, arsimit dhe rinia.

KAPITULLI II PRIORITETET AFATMESME 2021-2023

Prioritetet afatmesme të reflektuara në PBA 2021-2023 mbështeten në kërkesat e qytetarëve të Tiranës, në Programin e Kryetarit të Bashkisë së Tiranës për mandatin 2019-2022 dhe në Strategjinë 5 vjeçare për Zhvillimin e Qëndrueshëm të Bashkisë Tiranë.

➤ Prioritetet e Programit Buxhetor Afatmesëm:

Objektivi themelor i PBA-së 2021-2023 do të jetë garantimi i zhvillimit të qëndrueshëm të Tiranës, për të përmirësuar jetesën e brezave të sotëm e për të garantuar mirëqenien e brezave të ardhshëm.

Programet Buxhetore të deritanishme kanë arritur tashmë objektivat e rikthimit të Tiranës në punë dhe kthimit të saj në një qytet të jetueshëm. Kanë përfunduar disa nga projektet e mëdha strategjike; është ndërhyrë në pjesën dërrmuese të lagjeve të qytetit me projekte rigjenerimi urban; është siguruar pastërtia e qytetit dhe reduktuar ndotja; është shtuar sipërfaqja e gjelbër; është përmirësuar ndjeshëm infrastruktura në të gjithë çerdhet e kopshtet e qytetit; janë krijuar hapësira të reja rekreacionale; është rigjallëruar jeta kulturore dhe masivizimi i sporteve.

Në Strategjinë 5 vjeçare për Zhvillimin e Qendrueshëm të Bashkisë Tiranë, në të cilën është mbështetur hartimi i buxhetit për tre vitet e ardhshme, janë parashikuar 5 qëllimet kryesore të zhvillimit, të zbërthyer në disa objektiva specifike:

1. Përmirësimi i infrastrukturës urbane:
 - Rehabilitimi dhe mobilimi urban i njësisë;
 - Përmirësimi i rrjetit rrugor urban, me focus të posacëm tek korsitë e bicikletave dhe trotuarët;

- Përmirësimi i hapësirave publike, sipërfaqeve të gjelbra, ndricim etj;
 - Krijimi dhe rehabilitimi i infrastrukturës së rrjeteve inxhinierike.
2. Arsimi për të gjithë:
 - Ndërtimi i shkollave të reja;
 - Përmirësimi i infrastrukturës në objektet arsimore;
 - Rritja e sigurisë në rrugë e në objektet shkollore.
 3. Zhvillimi i Ekonomisë Green:
 - Nxitja e zhvillimit rural dhe turizmit dhe ndihmesë bujqësisë;
 - Nxitja e zhvillimit ekonomik, punësimit e sipërmarrjes;
 - Zhvillimi i qëndrueshëm i turizmit.
 4. Tirana për të gjithë:
 - Nxitjen e mobilitetit alternativ dhe të qëndrueshëm për rritjen e aksesueshmërisë;
 - Përmirësimi i transportit publik duke futur dhe teknologjitë e reja;
 - Rritjen e kapacitetit të parkimit në qytet dhe përdorimin eficient të hapësirave ekzistuese;
 - Përmirësimin e shërbimit të varrezave publike;
 - Ofritin të shërbimeve sociale cilësore;
 - Rritjes së sipërfaqeve të gjelbra e parqeve dhe shtimit të hapësirave rekreacionale;
 - Nxitjes së jetës kulturore e sportive në qytet;
 - Mbrojtjes së mjedisit dhe reduktimit të ndotjes;
 - Mbeshtetje politikave rinore dhe zhvillimit të karrieres.
 5. Qeverisja e mirë:
 - Përmirësimi i shërbimeve ndaj qytetarëve dhe biznesit;
 - Rritjen e transparencës dhe gjithëpërfshirjes së qytetarëve dhe komuniteteve në vendimmarrje
 - Administrimin më të mirë të të ardhurave të Bashkisë.
 6. Rindërtimi dhe rimëkëmbja ekonomike

Viti 2020 ka qenë një sfidë edhe për Bashkinë e Tiranës si rrjedhojë e pasojave të tërmetit të 26 Nëntorit 2019 si dhe Pandemisë COVID-2019, situatë e cila ka sjellë të nevojshme riorientimin e objektivave strategjike. Në fund të vitit 2019 nisën programet e rindërtimit, fillimisht me subvencionimin e qerasë për familjet e prekura nga tërmeti, dhe më tej në vitin 2020, me akordimin e fondeve buxhetore nga Qeveria, për programet e tjera si, për rindërtimin e banesave individuale, për ndërtimin e infrastrukturës arsimore, publike, ndërtimin e njësive të banimit, akt-ekspertiza, plane të detajuara vendore, grante rikonstruksioni. Programet e rindërtimit të nisur në vitin 2020 do të përfundojnë në vitin 2021 dhe do të ndihmojnë rimëkëmbjen ekonomike në vitet pasardhëse.

➤ **Projekte Strategjike:**

Pas një sërë projektesh strategjike që rigjallëruan jetën e qytetit gjatë mandatit të parë qeverisës si, Projekti i Rigjenerimit Urban të Pazarit të Ri dhe Sheshit Avni Rustemi; Projekti i Bulevardit të ri, Sheshi Skënderbej, Rehabilitimi i Parkut të Madh të Tiranës, po vijohet me projekte të reja strategjike të cilat synojnë jo vetëm përmirësimin e infrastrukturës por edhe rritjen ekonomike, zhvillime teknologjike dhe rritjen e punësimit në qytet.

PIRAMIDA

Krijimi i një Qendre për Edukimin për Teknologjinë do të jetë koncepti bazë i përdorimit të Piramidës. Kjo qendër do të jetë një mjedis ku do të ndërveprojnë të rinjtë duke përdorur teknologjinë më të mirë nga profesionistë të fushës, si dhe do të ndërlidhet më së miri teknologjia dhe arti. Koncepti do të jetë mësimi nëpërmjet prodhimit (Learning by doing). Kështu Piramida do të jetë një mjedis ku do të edukohen dhe trajnohen mbi 2000 të rinj dhe të reja. Nëpërmjet këtij projekti do të aktivizohet një hapësirë prej 9460 m² për të akomoduar funksionet teknologjike dhe edukuese. Për ta realizuar këtë do të ndërhyhet fizikisht në objekt për ta kthyer në një mjedis operativ dhe funksional përsa i përket aspektit teknik.

Ndërhyrja për rijetësimin e Piramidës ka për qëllim ta bëjë atë një vend ku shkëmbehen ide dhe vizione, një forum publik ku të gjithë janë të mirëpritur të ndajnë dhe të fitojnë njohuri. Larmia e funksioneve dhe ngjarjeve duhet të garantojë që piramida nuk do të flejë kurrë si një objekt që do të jetë i mbushur me aktivitete.

Qëllimi i projektit nuk është të rivendosë ndërtesën në pamjen e saj fillestare, por të hulumtojë gjendjen e saj aktuale, për të gjetur bukurinë dhe për të qenë e vërtetë dhe autentike.

Piramida do të shndërrohet në një aktor vetë-mjaftues në mjedisin urbanistik të Tiranës, do të bëhet një ambient efikas dhe me kosto efektive, do të përdoret vetëm ajo që na nevojitet dhe pjesa tjetër do të kthehet publikut. Projekti është hartuar duke u mbështetur në kushtet teknike shqiptare dhe ato europiane si edhe produkteve që nxjerrin prodhues të ndryshëm europian.

Aksesi

Duke hequr xhamin në të gjitha hyrjet, lidhja me pjesën e jashtme bëhet e menjëhershme. Ndërtesa bashkohet me rrethinat e saj dhe hyrja nuk mund të kufizohet më. Monumenti dikur i frikshëm dhe armiqtësor shndërrohet në një hapësirë mikpritëse dhe ftuese.

Fasada

Mbështjella ekzistuese e ndërtesës aktualisht përfshin si elementë prej betoni ashtu edhe xham. Elementet e betonit dhe xhamit janë një seri shiritash radiale të pjerrëta që shtrihen nga niveli i tokës në nivelin e çatisë. Ndërhyrja e propozuar në mbështjellë përfshin zëvendësimin e pjesëve të xhamta ekzistuese me xhama të rinj të hapshëm. Rripi më i gjerë është në hyrje, në perëndim të ndërtesës. Ky rrip shtrihet nga niveli i tokës deri në çatinë e ndërtesës, dhe është në formë trapezoidale. Xhami i ri i hyrjes siç propozohet përfshin një grup pjesësh xhami që rrotullohen rreth një aksi horizontal për të lejuar që xhami të hapet.

Për pjesët e pjerrëta të betonit të gjitha pllakat ekzistuese do të hiqen dhe zëvendësohen me gur të ri natyror prej 20 mm të ngjitur me rretë shtesë të me fibra xhami. Do të jenë të ngjashëm si ata ekzistues, mund të jenë gurë lokalë dhe të krahasueshëm me gurët natyrorë përreth. Pllakat ekzistuese të hequra ripërdoren si material granular për çatinë e betonit të lëmuar dhe shkallët.

Risia e rigjallërimit të qendrës qëndron në faktin se do të zbatohet modeli mësimor TUMO i cili është një lloj i ri i përvojës arsimore në kombinimin e teknologjisë dhe dizajnit. Programi mësimor parashikohet të jetë i përbërë nga aktivitete të mësimit autodidakt, ëorkshope dhe laboratorë projektesh, ku fëmijët e të rinjtë i kombinojnë këto metoda mësimore personale që të përshtaten me preferencat e tyre dhe shkallën individuale të përparimit. Mes këtyre programeve mësimore përshfihen: animacion, zhvillim lojërash dhe filmimesh, ëeb dizajn, muzikë, shkrim,

vizatim, dizajn grafik, modelim 3D, programim, robotikë, fotografi, etj. Teksa të rinjtë përparojnë me projektet dhe praktikat ata do të krijojnë një portofol bazuar mbi rezultatet e tyre i cili do të kthehet në një lloj diplome që do të dëshmojë rritjen e aftësive të tyre në fushat përkatëse. Jemi të bindur se investimi në programe të tilla të zhvillimit kreativ tët rinjve do të jetë një nga investimet kryesore me impakt afatgjatë për një shoqëri më të zhvilluar në të ardhmen. . Aktualisht jemi në fazë fillim punimesh dhe është realizur rrethimi i kantierit të punimeve.

KOPSHI ZOOLOGJIK

Kopshti Zoologjik ka rreth 30 vjet që nuk ka bërë asnjë investim dhe si pasojë e kësaj është shndërruar në një kopsht të vjetër dhe pa kushtet minimale për mirëmbajtjen e kafshëve. Si pasojë e terrenit jo cilësor dhe të kushteve jo të mira ka shumë pak kafshë të cilat mbahen të mbyllura në hapësira shumë të vogla dhe larg parametrave dhe standardeve të duhura.

Si pasojë e sa më lart, projekti ynë do të zgjerojë sipërfaqen aktuale dhe do ta shndërrojë kopshtin zoologjik në një park zoologjik të standarteve më të larta. Përveç zgjerimit të sipërfaqeve për kafshë parashikohet krijimi i habitatave në mjedise të hapura sa më të ngjashme dhe sa më afer habitatit natyror. Përveç ndërhyrjeve në mjedise parashikohet shtimi i numrit të kafshëve. Projekti do të ofrojë një park të ri për familjet dhe fëmijët e Tiranës e mbarë Shqipërisë dhe do të jetë gjithashtu një atraksion i ri jo vetem për kryeqytetasit po për të gjithë vizitorët vendas dhe të huaj.

E gjithë hapësira e kopshtit zoologjik është konceptuar në disa mini zona si më poshtë:

ZONA E HYRJES,

- Hapësira parkimi për 72 automjete e zhytur nëntokë 1.50 m,
- Hapësira për vizitorët ku përfshihen *biletari me 4 sportele, grup shkallë ashensore, pika kontrolli, dyqan suvenirësh. bar/restorant*
- Hapësira rekreacioni dhe pushimi ku përfshihen *zona pikniku, hapësira të gjelbërta të lira nga strukturat dhe të veçuara për familjarët e fëmijët, kënde lojërash t'për fëmijë ë shpërndara nëpër kopsht*
- Hapësira edukimi ku përfshihen *2 klasa për 25-30 studentë secila si dhe një auditor me 100-120 vende*
- Hapësira për menaxhimin, mirëmbajtjen dhe kontrollin e Kopshtit ku përfshihen *zyra për administratën, zyrë sigurimi dhe monitorimi, sallë mbledhjesh etj*
- Hapësira për përgatitjen e ushqimit për kafshët
- Hapësira për mirëmbajtjen, kontrollin e menaxhimin e kafshëve
- Veterinaria

Projekti parashikon tharjen e liqeneve ekzistuese dhe krijimin e tre liqeneve të reja me thellësi max 2m, duke aplikuar materialet e reja si gjeomembrana Macline, të veshura me pllaka betoni. Pjesa e hyrjes mbulohet nga një strukturë e vetme druri e cila hijezon, unifikon e fsheh pjesën e ndërtuar. Gjithashtu projekti parashikon edhe zonimin e kafshëve për të cilin, nga zvogëlimi i sipërfaqes ujore përfitohet rritje e sipërfaqes për strehimet e kafshëve,të realizuara të diferencuara sipas kërkesave të secilit lloj. Përsa i përket **gjelbërimit** konsiston në tre nivele *sipërfaqe të mbjella me bar, shkurret dhe pemët e larta të shpërndara në mënyrë të tillë për t'ju përqasur natyrës së egër, pa cënuar sigurinë dhe qetësinë e njerëzve*. Aktualisht jemi në fazë ndërtimore dhe janë realizuar afërsisht 30% e punimeve

TEATRI KOMBETAR

Kryeqyteti ka nevojë për një godinë të re të Teatrit Kombëtar që plotëson të gjitha standartet ndryshe nga ai ekzistues. Shtëpia e re e aktrimit është konceptuar të jetë si zemra kulturore e Tiranës dhe e gjithë Shqipërisë dhe e dedikuar vetëm për art. Projekti i prezantuar nga një nga studiot më të mëdha ndërkombëtare të arkitekturës në botë, “Bjarke Ingels Grop” me qendër në Danimarkë, ofron një godinë të arkitekturës me dizajn modern dhe që krijon një hapësirë unike në qytetin e Tiranës, duke ofruar të gjitha kushtet e nevojshme dhe frymëzuese për zhvillimin e talentit të aktrimit, ashtu edhe për vetë publikun i cili mund të angazhojë imagjinatën.

Projekti gjithashtu garanton një akses të këmbësorëve që udhëtojnë nga rr. “Sermedin Said Toptani” në rrugën paralele me të. Hyrja kryesore në teatër është e mundur përmes shëtitores “Murat Toptani”, ndërsa hapësira e sheshit publik në nivelin përdhes, siguron hyrje të mbuluar në teatër, së bashku me hapësirën publike për mbledhje ose argëtim. Me ndërtimin e teatrit të ri aktorët do kenë mundësi të punojnë në ambiente kontemporane, cilësore dhe jo të dëmshme për shëndetin e tyre. Njëkohësisht edhe qytetarët do të kenë mundësi të shijojnë artin e ofruar nga artistët në ambiente të rehatshme me të gjitha kushtet që meriton të ketë një godinë e tillë. Aktualisht Teatri Kombëtar është në fazë projektimi dhe priten të nisin shumë shpejt punimet, ndërkohë që është garantuar financimi i tij nga Buxheti i Shtetit.

KAMPUSI UNIVERSITAR

Ne e konsiderojmë investimin në kapitalin njerëzor si një nga elementët më të rëndësishëm që garanton zhvillimin ekonomik. Ndërtimi i kampuseve të reja për Universitetin e Tiranës që është njëkohësisht dhe universiteti më i rëndësishëm në vend është sot një domosdoshmëri. Për këtë arsye do të bashkërendojmë punën me qeverinë për ndërtimin e kampuseve si dhe për ndërtimin e të parës Qendër të Studentëve në vendin tonë. Këto projekte jo vetëm që do të krijojnë kushte më cilësore për studentët, por do t’i japin Tiranës fytyrën e një qyteti studentor bashkëkohor.

Ndërtimi i Kampusit të konsoliduar të Universitetit të Tiranës synon shndërrimin në një hapësirë moderne të një prej zonave më energjike dhe më të rëndësishme të kryeqytetit. Ndërtimi i objekteve të reja universitare në zonën e Qytetit Studenti, integrimi i tyre me objektet ekzistuese si dhe me objektet e tjera akademike rreth tij, do të ofrojë mjedise të bollshme e moderne për universitetin çka do të rrisë jo vetëm cilësinë akademike, por edhe cilësinë e jetesës për të gjithë studentët e Universitetit të Tiranës.

Ndërkohë që Qendra e Studentëve do të jetë një qendër multifunkionale që do të ofrojë një shumëllojshmëri shërbimesh për të gjithë studentët e Tiranës. Aty do të kombinohen aktivitetet akademike me ato sociale e kulturore, të gjitha të organizuara nga vetë studentët dhe në shërbim të studentëve. Në këtë qendër do të ketë salla leximi, laboratorë kompjuterik, zyra të ndryshme që ofrojnë shërbime për studentët, mjedise çlodhëse, salla lojërash, si edhe mjedise ku mund të organizohen aktivitete të ndryshme, konferenca e ekspozita artistike. Të gjitha hapësirat e reja të kampusit universitar, si ato të brendshme dhe ato të jashtme do të konceptohen dhe shfrytëzohen si hapësira multifunkionale moderne dhe sipas standarteve duke ushqyer një jetë studentore sa më të pasur, aktive dhe të shëndetshme që rrit mirëqenien e studentëve dhe si rrjedhim performancën e tyre në mësim dhe jetë sociale.

TIRANA POLICENTRIKE

Koncepti i vjetër i zgjerimit dhe zhvillimit urban të Tiranës synonte që kryeqyteti të zhvillohej në mënyrë Monocentrike ku cdo shërbim, funksion kryesor dhe aktivitet parësor zhvillohej në qendër të qytetit. Kjo mund të ketë funksionuar mirë në të kaluarën, por me zhvillimin urban të tanishëm të Tiranës, rritjen e popullsisë dhe për rrjedhim zgjerimin e territorit sjell trafik të rënduar, pabarazi në zhvillimin ekonomik mes zonave qendrore dhe atyre periferike të qytetit, stres urban, ndotje ajri, etj.

Jemi duke zhvilluar Organizimin e Tiranës në disa qendra kryesore dhe dytësore të cilat do të ndihmojnë në procesin e dendësimit me anë të përdorimit të zgjuar të tokës dhe shpërndarjes së funksioneve dhe shërbimeve të njëjta në gjithë territorin. Ky prioritet ka në qendër krijimin e 5 epiqendrave urbane për kapërcimin e dyzimit qendër-periferi dhe për të nxitur zhvillimin e balancuar të qytetit. Kinostudio, Kombinati, Farkë-Qytet Studenti, Bulevardi i Ri dhe Lapraka janë polet e parashikuara për t'u zhvilluar nëpërmjet hartimit dhe zbatimit të Planeve të Detajuara Vendore që do të sigurojnë rivitalizimin dhe forcimin e identiteveve sipas karakterit të çdo poli. Përmbushja e këtij objekti do të jetë një nga sfidat kryesore të 4-vjecarit të ardhshëm por që në fund do të sjellë një rikonceptim të strukturës urbane të qytetit, shtimin e pesë zonave atraktive të reja për qytetarët dhe vizitorët e huaj dhe një rritje me rreth 20% të investimeve në këto pole të reja. Polet për të cilat po punohet sot janë:

Poli Verior- Bulevardi i Ri i Tiranës Ka përfunduar dhe segmenti i fundit i zgjatimit të bulevardit me sinjalistikë rrugore, korsi të dedikuara autobuzësh dhe bicikletash, ndriçim led dhe gjelbërim. Tashmë do të nisë puna për realizimin e sheshit fundor dhe gjatë 4-vjecarit në vazhdim kjo zonë do të ketë një karakter Fin-Tech, pra do të jetë zona e financave dhe e teknologjisë për qytetin. Gjithashtu, gjatë lumit të Tiranës do të mbizotërojnë korridoret blu dhe të gjelbër me hapësira shlodhëse e rekreative, korsi bicikletash në natyrë të cilat do të promovojnë jetesën e balancuar dhe të shëndetshme në qytet.

Poli Kombinat-Sot po punohet për rivitalizimin e Sheshit Garibaldi dhe godinave të vjetra përreth, ndërkohë që janë bërë shumë investime në përmirësimin e infrastrukturës rrugore dhe ndricimit të zonës. Vizioni dhe objektivat tona për 4-vjecarin e ardhshëm synojnë kthimin e Kombinatit në një zonë urbane me karakter kreativ artistik dhe mjeshtëror i cili sjell më shumë mundësi biznesi dhe do të zbatohet modeli i Pazarit të Ri.

Poli Farkë – Qyteti Studenti Deri më tani zona përreth Liqenit të Farkës ka patur një sërë investimesh për përmirësimin e infrastrukturës rrugore, ndricimit, gjelbërimit përreth Liqenit dhe vendosjen e korsive të bicikletave dhe lojërave ujore. Këto investime dhe të tjera në vazhdim do ta kthejnë polin e Farkës në një zonë me karakter rekreativ, natyror dhe turistik e cila do të gezojë investime dhe vëmendje njëloj si Parku i madh i Liqenit të Tiranës duke shtuar hapësirat e gjelbra për ushqimin e jetës kolektive si edhe hapësira për aktivitete sportive. Gjithashtu do të ketë investime dhe shërbime si shkolla, kopshte e cerdhe, biblioteka në zonën e Farkës dhe lidhjen e saj me qytetin studentit.

Poli Kinostudio dhe Poli Laprake janë 2 polet e tjera për të cilat po punohet për hartimin e planeve tëdetajuara vendore. Për to kemi parashikuar gjithashtu një sërë investimesh infrastrukturore në qendrat dhe pikat referuese të zonave të cilat do të kthehen në pole të mirëfillta zhvillimi ekonomik dhe zhvillimi i jetës sociale e rekreative për komunitetin duke ngushtuar hendekun dhe diferencat mes tyre dhe qendrës së qytetit. Për Polin Kinostudio kanë filluar punimet për përmirësimin e infrastrukturës së qendrës së polit dhe infrastrukturës rrugore, ndricimit dhe gjelbërimit përreth. Ndërkohë që Poli Laprakë është në fazë projektimi.

TERMINALI

Në kuadër të përmirësimit të trafikut në qytetin e Tiranës, rritjen e cilës së shërbimit në transportin interurban dhe në përputhje me Planin Rregullues, të qytetit të Tiranës është vendosur Ndertimi i Terminalit Verior, të Transportit Publik. Në këtë terminal do të përpunohen linjat interurbane të zonës veriore, verilindore, jugore dhe Durrësit. Sipërfaqja e truallit e vënë në dispozicion, për ndërtimin e terminalit është rreth 50,000 m² dhe ndodhet në rrugën “Kastriotët” pranë mbikalimit të Kamzës. Pjesë e këtij objekti do të jenë: vendet e hipjes dhe zbritjes së udhëtarëve, vend parkimi i autobuzëve, godina e terminalit ku do të jene zyrat e agjencive që operojnë në këtë terminal, zonat e shërbimeve për udhëtarët, nyje sanitare, etj. Gjatë ndërtimit të këtij terminali do të merret në konsideratë që ai të sigurojë integrimin me linjën hekurudhore që kalon kufi të pronës ku do të ndërtohet terminali. Krahas këtyre ky terminal duhet të krijojë akses dhe për shërbimet, taksi, linjat urbane dhe përdoruesit e bicikletave.

ZGJERIMI I LUMIT LANA

Zgjerimi i lumit Lana është një projekt me rëndësi të lartë për Tiranën. Puna për zgjerimin e Lanës po vazhdon dhe Lana do të zgjatet nga Kashari deri në Shkozë. Duke vazhduar nga Lanabrgas e poshtë deri në Kashar. Duke u zgjeruar kështu 2 km në Veri e 2 km në Jug. Disiplinimi i ujrave të një lumi në territore urbane tashmë të zhvilluara, është shumë i rëndësishëm dhe ka një impakt shumë pozitiv në mjedis e komunitet. Përmes kësaj veprë madhore, qyteti do të fitojë shumë përmes disiplinimit të rrjedhës së lumit të Lanës duke ulur rrezikun e përmbytjeve, por edhe për krijimin e një ambienti pozitiv. Prania e një lumi për një qytet është shumë e rëndësishme. Disiplinimi i ujrave sjell transformimin e hapësirave publike, duke i transformuar ato në vlera për lagjen duke qenë se Lana ka qenë historikisht një shenjë e rëndësishme në territorin e qytetit dhe ka dhënë drejtimet për zhvillimin e tij.

UNAZAT E TIRANËS

Përmirësimi i situatës së trafikut në Tiranë është një nga sfidat tona më të mëdha me të cilat kemi punuar keto 4 vite dhe do vijojmë të punojmë edhe më fort gjatë 4-vjecarit të ardhshëm. Përfundimi i Unazës së Madhe të Tiranës (Unaza 5-stë) përbën një hap të rëndësishëm drejt lehtësimit të trafikut duke qenë se shërben si bypass për transportin e mallrave larg zonës urbane. Unazat i shërbejnë mirëfunksionimit të lëvizjes duke larguar shumicën e trafikut nga zemra e qytetit. Njëkohësisht ato shkurtojnë kohën e lëvizjes duke rritur shpejtësinë dhe ulur koston e udhëtimit. Në planin tonë të lëvizshmërisë së qendrushme për të cilën sapo kemi filluar punën, unazat do të shërbejnë si shtylla të zhvillimit duke siguruar akses në të gjitha zonat e Tiranës. Unaza e Madhe e Tiranës përfshin në gjatësinë e saj ura, nyje dhe kryqëzime në nivel me qëllim lehtësimin e impaktit që kjo vepër e madhe infrastrukturore do të ketë në qytet.

Sot kemi hapur një nga segmentet kryesore të Unazës së Madhe me një gjatësi prej 2.1 km, që lidh zonën e “Pallatit me Shigjeta” me Farkën, duke zgjidhur problemin e trafikut të makinave që vijnë nga sheshi “Shqiponja” dhe Kombinati në drejtim të qendrës, si dhe të atyre që udhëtojnë drejt juglindjes. Segmenti Komuna e Parisit- Shkolla Teknologjike është përshtatur për zona urbane me rrugë kryesore, rrugë paralele dhe e konceptuar si rrugë shpejtësie me 12 hyrje-dalje të disiplinuar. Për të lehtësuar qarkullimin e automjeteve dhe për të rritur sigurinë e qytetarëve, janë ndërtuar dhe katër mbikalime automjetesh në disnivel, mbikalime këmbësorësh të pajisura dhe me ashensor për Personat me Aftesi të Kufizuar (PAK), si dhe në të dy sestet e lëvizjes janë

ndërtuar trotuarë dhe korsi biçikletash. Punimet e kryera me standardet më të mira europiane përfshijnë ndërtimin e plotë të sistemit të ujësjellës-kanalizimeve, vendosjen e sinjalistikës vertikale dhe horizontale, instalimin e plotë të ndriçimit rrugor si dhe shtimin e gjelbërimit.

Mirëfeksionimi i Unazës së Vogël të Tiranës, Unazës së Ndërmjetme dhe Unazës së Madhe do të çlirojnë qendrën e Tiranës nga trafiku duke e ndryshuar destinacionin e një pjese të rrugëve në hapësira pedonale dhe të lëvizjes me biçikletë.

Unazat do të rrisin cilësinë e lëvizjes, por edhe rëndësinë e Tiranës si një qytet ndërlidhës për të gjithë rajonin duke lejuar kalimin e natyrshëm nga akset lindore në ato Veriore e Perëndimore dhe duke larguar trafikun e tranzitit ndërurban nga Qendra e qytetit.

Përfundimi i segmentit jug-perëndimor së Unazës së Madhe me të cilin angazhohemi për 4 vitet e ardhshme, do të ndihmojë në mirë-menaxhimin e trafikut tranzit e të gjithë rajonit lindor në drejtim të aeroportit Nënë Tereza si edhe portin e Durrësit. Ky investim siguron jo vetëm me pak kohë të humbur në trafik por edhe përmirësimin e cilësisë së ajrit i cili impaktohet në mënyrë direkte nga trafiku i rënduar. Realizimi në të ardhmen i segmentit verior do të marrë një rëndësi të vecantë sepse do të shërbejë gjithashtu si një portë hyrëse në qytet dhe do të ndërlidhet me rrugën e Arbrit.

ZONA E TEKNOLOGJISË DHE ZHVILLIMIT EKONOMIK- TEDA KASHAR (Technological Economic Development Area)

Po punohet për krijimin e një Zone të Teknologjisë dhe Zhvillimit Ekonomik, në të cilën Bashkia do të ketë rolin e zhvilluesit të kësaj zone duke përmbushur kriteret e legjislacionit në fuqi. Projekti “TEDA Kashar” parashikon realizimin e një investimi me vlerë totale prej € 102,666,431, të ndarë sipas fazave dhe hapjen e 5.000-7.000 vende pune. Projekti synon të shtrihet në një sipërfaqe prej 35 ha në njësinë administrative Kashar, Bashkia Tiranë.

Ky projekt strategjik, synon të zgjerojë gamën e industrive operuese në treg, duke krijuar diversifikim për të tërhequr industri prodhuese komplekse siç janë: Industria e automobilitetit, ICT dhe Industria e pajisjeve elektronike. “TEDA Kashar” do jetë projekti i parë i mirëfilltë i cili inicion procesin e krijimit të Klasterave ekonomike sipas skemave më të suksesshme në rajon dhe Europë.

Komisioni i Investimeve Strategjike (KIS) duke parë potencialin e këtij investimi të rëndësishëm me ndikim strategjik për zhvillimin e vendit dhe me interes publik, me anë të Vendimit Nr. 1/4, datë 04.05.2020, i dha statusin e “Projekt me Potencial Strategjik Zona Teknologjike dhe e Zhvillimit Ekonomik (TEDA) Kashar”. Ky Vendim i rëndësishëm i hapi rrugë vijimit të mëtejshëm të procesit për përfitimin e Statusit përfundimtar “Investim/Investitor Strategjik” si dhe të statusit “Zonë Teknologjike dhe Zhvillimit Ekonomik”. Në këtë kuadër, Bashkia e Tiranës në bashkëpunim me kompaninë konsulente si dhe aktorët e tjerë të përfshirë në këtë proces (AIDA, OST, OSHEE, UKT, ARRSH etj.), po punon për hartimin e Studimit të Fizibilitetit dhe Planit të Biznesit si dhe dokumentave të tjera të nevojshëm për aplikim. Pas përfitimit të Statusit “Investim/Investitor Strategjik” dhe “ZTZHE Kashar” përgjatë vitit 2021, Bashkia e Tiranës parashikon zbatimin e këtij projekti duke filluar me ndërtimin e infrastrukturës përkatëse, krijimin e paketës së plotë ligjore dhe incentivuese si dhe të një strategjie marketingu për thithjen e investimeve dhe ngritjen e industrive e bizneseve me teknologji të avancuar dhe potencial të lartë ekonomik.

RINDËRTIMI

Gjatë vitit 2020, nëpërmjet financimit nga fondet buxhetore akoluar nga Qeveria për Bashkinë Tiranë, kanë nisur tashmë të gjitha programet e rindërtimit, të cilat përveçse do ti japin zgjidhje strehimit të banorëve të prekur nga tërmeti, do të ndikojnë në rimëkëmbjen ekonomike të qytetit.

Konkretisht:

Në programet e Arsimit, Bashkia e Tiranës nëpërmjet fondeve të akorduara të rindërtimit ka marrë angazhimin për ndërtimin e 12 shkollave dhe kopshteve të dëmtuara rëndë nga tërmeti i datës 26.11.2019 si psh “Ndërtim i shkollës “Sami Frashëri”, “Ndërtim i shkollës 9-vjecare “Qazim Turdiu”, “Ndërtim i shkollës 9-vjecare “17 Shkurti”, Qesarakë e Vjetër, Ndërtim shkolle dhe godinë për shërbime komunitare – Vaqarr, Ndërtim kopësht & çerdhe dhe qendër shëndetësore – Ndroq etj.

Në programet e zhvillimit dhe Shërbimet publike vendore, Bashkia e Tiranës nëpërmjet fondeve të akorduara të rindërtimit ka marrë angazhimin për ndërtimin jo vetëm të infrastrukturës publike por dhe të njërive të banimit(pallat) dhe ndërtesave publike në zonat e reja për zhvillim në Njësitë Administrative 4 dhe 8, Zona “5 Maji” dhe Njësinë Administrative 6 Zona “Kombinat” si psh “Ndërtim i infrastrukturës publike në zonën e Baldushkut”, “Ndërtim i infrastrukturës publike në zonën e Ndroqit”, Hartim i projektit dhe zbatimi i punimeve për ndërtimin e godinës 2 (seksioni B) në zonën zhvillimore “Kombinat”, Ndërtimi i godinës TIP në RSU Nr. 3 (Nr.8) etj

Në programet e Kujdesi Social dhe Strehimit lokal dhe Urbanistikës, Bashkia e Tiranës nëpërmjet fondeve të akorduara të rindërtimit ka marrë angazhimin për ndërtimin jo vetëm të banesave individuale por dhe të Hartimit të Planeve të Detyruara Vendore (PDyV) për zonat e reja për rihvillimin për strehim si dhe granteve të rikonstruksionit që ju akordohen cash qytetarëve, banesat e të cilëve u dëmtuan nga tërmeti.

KAPITULLI III

PARASHIKIMET BUXHETORE AFATMESME 2021 – 2023

Burimet e financimit të buxhetit për Bashkinë e Tiranës, përbëhen nga:

- I. Të ardhurat e veta;
- II. Transferta e pakushtëzuar e përgjithshme;
- III. Transferta e pakushtëzuar sektoriale

III. 1. PARASHIKIMI I TË ARDHURAVE TË VETA BASHKISË SË TIRANËS PËR PERIUDHËN 2021-2023

Për vitin 2021 të ardhurat nga taksat e tarifat vendore janë parashikuar në vlerën e 14,326,798,000 lekë. Një pasqyrim në vija të përgjithshme i parashikimit të të ardhurave për vitet 2021 - 2023, mund të shihet në tabelën më poshtë:

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Të ardhura tatimore	10,453,286,000	9,859,760,000	9,669,898,000	9,774,687,000
Të ardhura jo tatimore	4,411,406,000	4,467,038,000	4,541,902,000	4,619,219,000
Totali	14,864,692,000	14,326,798,000	14,211,800,000	14,393,906,000

Bazuar në legjislacionin rregullator dhe vendimeve të Këshillit Bashkiak, për mbledhjen e të ardhurave nga taksat dhe tarifave vendore, pjesë e paketës fiskale të Bashkisë Tiranë, janë përcaktuar edhe strukturat përkatëse për mbledhjen e tyre, si më poshtë:

- Drejtoria e Përgjithshme e Taksave dhe Tarifave Vendore;
 - Tirana Parking;
 - Strukturat e Aparatit të Bashkisë;
 - Agjentët tatimorë.
- Drejtoria e Përgjithshme e Taksave dhe Tarifave Vendore, është struktura kryesore për mbledhjen dhe rakordimin e të gjitha të ardhurave të Bashkisë së Tiranës, e cila administron plotësisht procesin e mbledhjes së të ardhurave nga taksat e tarifave vendore për kategorinë e bizneseve; si dhe arkëton dhe ndjek procesin e rakordimit për të ardhurat që mbledhen nga struktura të tjera të Bashkisë dhe nga Agjentët Tatimorë.
- Tirana Parking, është struktura e specializuar vetëm për mbledhjen e tarifës së parkimit sipas VKB Nr.48 datë 11.11.2016 “Për krijimin e Tirana Parking si institucion në varësi të Bashkisë Tiranë për administrimin e shërbimit të parkimit publik me pagesë”.
- Strukturat e Aparatit të Bashkisë janë të angazhuara në administrimin e tarifave të shërbimit që aplikon vetë institucioni si dhe në taksat që zbatohen direkt prej tyre, arkëtimi i të cilave bëhet me tej nga Drejtoria e Përgjithshme e Taksave dhe Tarifave Vendore.
- Agjentët tatimorë të përcaktuar sipas ligjit dhe vendimeve të Këshillit Bashkiak, janë:
- Drejtoria Rajonale Tatimore, për arkëtimin e Tatimit të Thjeshtuar mbi Fitimin e BV;
 - DRSHTRR, për arkëtimin e taksës vjetore të mjeteve të përdorura;
 - Agjencia Shtetërore e Kadastrës, për arkëtimin e taksës për kalimin e së drejtës së pronësisë për pasuritë e paluajtshme;
 - Ujësjiellës Kanalizime Tiranë Sha, për arkëtimin e taksës së ndërtesës, taksës së përkohshme për infrastrukturën arsimore dhe tarifës së pastrimit nga kategoria Familjarë;

Në përgjithësi të ardhurat e Bashkisë Tiranë për vitin 2021, paraqiten me një ulje prej 2% krahasuar me planin fillestar të vitit 2020. Në këtë parashikim ndikojnë disa elementë si më poshtë:

- Së pari, në planifikimet për 2021-2023 nuk përfshihen më të ardhurat nga tatimi i thjeshtuar mbi fitimin për biznesin e vogël. Gjatë vitit 2020 me anë të ligjit 106/2020 “Për disa ndryshime në ligjin 8438 datë 28.12.1998 “ Për tatimin mbi të ardhurat”, shkalla e tatimit

mbi fitimin për tatimpaguesit me të ardhura deri në 14 milionë leke do të jetë 0 lekë duke filluar nga data 1 janar 2021. Efekti financiar është 176.000.000 lekë.

- Së dyti, të ardhurat nga Tatimi mbi të ardhurat Personale (TAP), për vitin 2021 parashikohen me ulje, për arsye të përcaktimit të mënyrës së shpërndarjes ndërmjet njësive vendore në bazë të popullsisë, ndryshe nga parashikimet e mëparshme, sikurse shpjegohet më në detaje në kapitullin përkatës në vijim. Efekti financiar është 272.000.000 lekë.
- Së fundi, në parashikimet për taksat dhe tarifave të tjera vendore, janë marrë parasysh ndikimet e mundshme të pandemisë për periudhën e parë të vitit 2021 dhe për këtë arsye parashikimet nuk ruajnë të njëjtin trend rritës si në vitet e mëparshme.

Për sa më sipër të ardhurat për vitin 2021 paraqiten me një ulje prej 297.448.000 lekë ose 2% më pak, krahasuar me parashikimet fillestare të vitit të mëparshëm. Vetëm efekti i munguar i dy taksave të sipërpërmendura, TAP dhe Tatimi i thjeshtuar mbi fitimin për biznesin e vogël, është 448.000.000 lekë. Taksat e tjera janë parashikuar përgjithësisht me një ulje të lehtë, duke konsideruar efektet e pandemisë, me përjashtim të pak rasteve që nuk janë ndikuar prej saj, si TNI, etj.

Në mënyrë të detajuar parashikimi i të ardhurave nga taksat dhe tarifave vendore të Bashkisë Tiranë, për periudhën 2021-2023, paraqitet si më poshtë:

TAKSA VENDORE

A) Taksa mbi ndërtesën

Taksa mbi ndërtesën është ndër burimet më me peshë në buxhetin e Bashkisë Tiranë dhe përbën rreth 13 % të totalit të të ardhurave të veta.

Me ndryshimet ligjore të viteve të fundit, më specifikisht atë të datës 1 Prill 2018, taksa mbi ndërtesën është rikonceptuar, duke u mbështetur tashmë tek vlera e ndërtesave. Niveli i taksës i shprehur në përqindje si për ndërtesat që përdoren për qëllime banimi edhe për ndërtesat që shfrytëzohen për veprimtari ekonomike, aplikohet mbi vlerën e ndërtesës (çmimi i shumëzuar me sipërfaqen) në masën respektivisht 0.05% dhe 0.2%.

Për këtë qëllim, Ministria e Financave dhe Ekonomisë nëpërmjet Drejtorisë së Përgjithshme të Taksës së Pasurisë, në bashkëpunim me institucione të tjera qëndrore si, OSHEE, Drejtoria e Përgjithshme e Gjendjes Cicile, Agjencia Shtetërore e Kadastrës, etj. kanë patur detyrimin e ngritjes së bazës së të dhënave, krijimin e Kadastrës Fiskale, si informacioni bazë i domosdoshëm për përlllogaritjen dhe mbledhjen e të ardhurave nga taksa mbi ndërtesën.

Për Bashkinë e Tiranës, struktura përgjegjëse për arkëtimin e detyrimit për këtë taksë nga subjektet që realizojnë aktivitet ekonomik në territorin e Bashkisë Tiranë, është Drejtoria e Përgjithshme e Taksave dhe Tarifave Vendore, ndërsa për detyrimet e kategorisë familjarë, është përzgjedhur si Agjent tatimor Ujësjiellës-Kanalizime Tiranë sh.a, me vendim të Këshillit Bashkiak dhe rregulluar sipas Marrëveshjes së Bashkëpunimit nr. 25505 datë 21.06.2019.


Nëpërmjet strukturës së Drejtorisë së Përgjithshme e Taksave dhe Tarifave Vendore, Bashkia Tiranë ka aplikuar taksën mbi ndërtesën sipas ndryshimeve ligjore, për kategorinë e ndërtesave që shfrytëzohen për aktivitet ekonomik që prej hyrjes në fuqi të ligjit.

Gjatë vitit 2019, kjo taksë ka arritur nivelin maksimal të arkëtimit, për kategorinë biznese. Sikurse mund të kuptohet, viti 2020 ka pësuar ulje në realizimin e kësaj taksë për shkak të problematikave dhe vështirësive ekonomike që kanë përballuar bizneset gjatë periudhës së pandemisë Covid -19 si dhe marrjes së vendimit për uljen e detyrimit për sektorin hotelier në masën 30% për detyrimin vjetor të kësaj takse.

Më poshtë paraqitet realizimi në vite i taksës mbi ndërtesën për kategorinë e subjekteve të biznesit:

në lekë

Taksa mbi ndërtesën	2015	2016	2017	2018	2019	I pritshmi 2020
Biznesi	795,276,949	1,356,525,315	1,457,892,780	1,586,349,438	1,605,209,838	1,358,932,000




Për sa i përket kategorisë së ndërtesave që shfrytëzohen për banim, për shkak të mangësive thelbësore në databazën e Kadastrës Fiskale, që e bënin të pamundur implementimin e taksës mbi bazë të vlerës, Bashkia e Tiranës ka angazhuar agjentin tatimor për të krijuar bazën e të dhënave, në përputhje me rradhën e prioriteteve të përcaktuara në Vendimin nr.132, datë 07.03.2018 “Për metodologjinë për përcaktimin e vlerës së taksueshme të pasurisë së paluajtshme “ndërtesa”, e bazës së taksës për kategori specifike, natyrën dhe prioritetin e informacionit dhe të dhënave për përcaktimin e bazës së taksës, si dhe të kriterëve dhe rregullave për vlerësimin alternativ të detyrimit të taksës”. Agjenti Tatimor, me anën e strukturës së posaçme për përmbushjen e këtij detyrimi, ka marrë masa për plotësimin e bazës së të dhënave për faturimin, duke u bazuar fillimisht në vetdeklarimet e qytetarëve pranë zyrave të agjentit tatimor. Për familjet që nuk kryen vetdeklarimin brenda afatit të vendosur, faturimi bazohet në pikën 2.1, të nenit nr.2 të Vendimin nr.132, datë 07.03.2018, në sipërfaqjen e prezumuar, deri në momentin e deklarimit të të dhënave të sakta të pasurisë. Për sa më sipër, në bazë të afateve të vendosura, aplikimi i taksës sipas sistemit mbi bazë vlere, filloi në muajin dhjetor 2019 , me faturimin e detyrimit për muajin nëntor 2019.

Ky proces është vështirësuar gjatë vitit 2020 nga pamundësia e aksesit në banesat e qytetarëve për kryerjen e matjeve në terren të sipërfaqeve të banueshme.

Pavarësisht kësaj siç mund të shihet aplikimi sipas formulës së re ka dhënë efekt në realizimin me një rritje rreth 123% të tarifës së pastrimit për kategorinë “Familjarë” të pasqyruar si më poshtë:

në lekë

Taksa mbi ndërtesën	2015	2016	2017	2018	2019	I pritshmi 2020
Familjarë	16,879,527	116,857,519	216,542,796	228,647,177	233,353,993	520,564,000



Në vitin 2021, të ardhurat nga taksa mbi ndërtesën janë parashikuar në vlerën 2,612,560,000 lekë.

Ky parashikim ka marrë parasysh ndikimin gjatë vitit 2020 dhe, që do të ketë gjatë fillimit të vitit 2021, situata e krijuar nga pandemia Covid-19 për të dyja kategoritë në formën e mbylljes së bizneseve dhe në pamundësinë e marrjes së informacionit për ndërtesat e familjarëve si pasojë e masave në kuadër të distancimit social.

Në këtë parashikim përfshihen të ardhurat nga kategoria familjarë dhe kategoria e biznesit, si më poshtë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa mbi pasurinë e paluajtshme	2,671,010,000	2,612,560,000	2,684,568,000	2,759,005,000
- Familjarët	769,000,000	658,560,000	691,488,000	726,063,000
- Subjektet Tregtare	1,902,010,000	1,954,000,000	1,993,080,000	2,032,942,000


B) Taksa e ndikimit në infrastrukturë nga ndërtimet e reja

Taksës së ndikimit në infrastrukturë nga ndërtimet e reja i nënshtrohen të gjitha subjektet që kërkojnë të pajisen me leje zhvillimore dhe leje ndërtimi për objekte banimi, administrative, prodhimi, shërbimi e tjera.

Struktura e ngarkuar për këtë taksë është Drejtoria e Përgjithshme e Planifikimit dhe Zhvillimit të Territorit, e cila ndërkohë që pranon kërkesat, i shqyrton ato dhe pas miratimit nga Titullari, kryen edhe zbardhjen e kësaj leje kundrejt arkëtimit më parë të vlerës në masën sipas përcaktimeve ligjore.

Realizimi i të ardhurave nga taksa e ndikimit në infrastrukturë nga ndërtimet e reja paraqitet në të njëjtin nivel me realizimi e vitit 2019. Realizimi i të ardhurave nga kjo taksë tejkalon planin e miratuar si rrjedhojë e aplikimeve përtej parashikimeve.

Ndryshe nga cdo fushë tjetër e aktivitetit tregtar, sektori i ndërtimit ka vazhduar të jetë një prej shtyllave bazë të zhvillimit ekonomik dhe njëri prej aktiviteteve që sjell më shumë të ardhura. Vlen të theksohet që ky sektor nuk është ndikuar sikundër sektorët e tjerë nga masat kufizuese të pandemisë.



Në bazë vjetore, volumi i ndërtimit nuk ka ndryshime të theksuara nga periudha përpara vitit 2017, ç’ka do të thotë që rritja në nivelin e arkëtimeve ka ardhur si rezultat i ndryshimit të bazës së taksueshme. Sukses i mbledhjes së kësaj takse si në vitin 2018 dhe në vitin 2019, duke patur parasysh se cmimet në qytetin e Tiranës nuk janë rritur por rezultojnë krahasueshmërisht të njëjta tregon se kjo taksë nuk ka patur asnjë impakt tek qytetari, por ka ulur deri diku fitimin e zhvilluesve, por jo aq sa të disincentivojë apo ulë interesin e tyre për zhvillim. Pra është arritur një balancë midis “vullnetit për të paguar” të biznesit të ndërtimit dhe volumit të ndërtimit që krijon hapësirë rezidenciale për dhjetra mijëra rezidentët e rinj që i shtohen çdo vit Tiranës.

Referuar vlerësimeve të drejtorisë përgjegjëse pritet që ecuria e arkëtimit të jetë nën nivelin e dy viteve të fundit. Kjo për arsye se të ardhurat nga kjo taksë parashikohet të mbështeten kryesisht në zhvillimet e reja që pritet ti shtohen Tiranës në zonën e mirëplanifikuar të Bulevardit të Ri, ku është miratuar edhe Plani i Detajuar Vendor nga Këshilli Kombëtar i Territorit – plan ky që i hap rrugë zhvillimit.

Konkretisht për vitin 2021 dhe në vijim 2022 dhe 2023, parashikimet për këtë taksë, paraqiten si më poshtë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa e ndikimit në infrastrukturë nga ndërtimet e reja	4,753,000,000	4,800,000,000	4,800,000,000	4,800,000,000

C) Taksa e përkohshme për infrastrukturën arsimore

Taksës së përkohshme për infrastrukturën arsimore i nënshtrohen të gjitha familjet, personat fizikë ose juridikë, vendas ose të huaj, që banojnë dhe ushtrojnë veprimtari ekonomike brenda territorit të Bashkisë së Tiranës.


DPTTV arkëton detyrimin e kësaj takse nga subjektet që realizojnë aktivitete ekonomike në territorin e Bashkisë Tiranë, ndërsa detyrimi nga kategoria familjarë arkëtohet nga agjenti tatimor i përzgjedhur për këtë qëllim, Ujësjiellës-Kanalizime Tiranë sh.a.

Taksa e përkohshme e infrastrukturës arsimore ka një realizueshmëri të kënaqshme që nga koha e hyrjes në fuqi, në vitin 2016, si për kategorinë biznese edhe për kategorinë familjarë. Gjatë vitit 2020 është marrë vendimi për uljen e detyrimit të kësaj takse për disa kategori biznesi si, për kategorinë e transportit të pasagjerëve dhe të agjencive turistike, për një periudhë 10 mujore, për të ndihmuar në lehtësimin e vështirësive financiare të këtyre dy sektorëve të prekur më shumë nga situata e krijuar nga pandemia Covid -19.

Të dhënat e ecurisë paraqiten në tabelën më poshtë:

Lloji i të ardhurave	2016	2017	2018	2019	I pritshmi 2020
Taksa e përkohshme për infrastrukturën Arsimore	495,950,390	681,927,166	730,095,161	699,773,149	626,455,000
Familjarët	141,429,000	266,244,300	286,498,987	274,551,161	266,477,000
Subjektet Tregtare	354,521,390	415,682,866	443,596,174	425,221,988	359,978,000

në lekë



Për periudhën 2021 – 2023, parashikimi i të ardhurave nga kjo taksë e përkohshme, është si vijon:

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa e përkohshme për infrastrukturën Arsimore	808,021,000	754,000,000	769,080,000	784,462,000
Familjarët	313,571,000	314,000,000	320,280,000	326,686,000
Subjektet Tregtare	494,450,000	440,000,000	448,800,000	457,776,000

në lekë

Në paketën fiskale të vitit 2020 u diferencua kategoria biznes i vogël me xhiro 0-2 milionë lekë, për të lehtësuar barrën fiskale të kësaj kategorie dhe kjo ka impaktuar parashikimet për periudhat në vijim nga kjo taksë.

D) Taksa e tabelës

Vendosja e tabelës për qëllim identifikimi është detyrim për të gjithë subjektet, me përjashtim të ambulanteve, subjekteve të transportit dhe profesioneve të lira.


Taksa e tabelës përbëhet :

- I. Tabelë për qëllime identifikimi të trupëzuara ose jo brenda territori ku zhvillon veprimtarinë e biznesit dhe që nuk përdoret për të reklamuar veprimtarinë e të tretëve (ku shënohet emri dhe ose aktiviteti i biznesit:
 - ✓ Tabelë deri në 2 m²:
 - ✓ Tabelë mbi 2 m²:
- II. Tabelë për qëllime identifikimi jashtë territorit ku zhvillohet veprimtaria e biznesit në formën dhe përmasat e tabelës për orientim.
- III. Tabelë për qëllime reklamimi e lëvizshme/e palëvizshme deri në tavanin 35 m²:
 - ✓ Tabelë e thjeshtë me/pa ndricim;
 - ✓ Tabelë elektronike.
- IV. Tabelë në funksion të ekspozimeve të ndryshme të hapura, panairë, spektakle, stenda reklamuese, banderola, etj. (të të gjitha përmasave)

Ecuria e taksës së tabelës ndër vite është përgjithësisht e qëndrueshme edhe pse arkëtimet nga kjo taksë varen nga përdorimi i tabelave reklamuese nga ana e bizneseve, i cili është i ndryshueshëm në varësi të zgjedhjes së biznesit për të reklamuar ose jo në një vit të caktuar, ndërkohë që për tableën për qëllime identifikimi, deri në 2 m², masa e taksës është zero.

Realizimi në vite pasqyrohet në tabelën më poshtë:

	2015	2016	2017	2018	2019	I pritshmi 2020
Taksa e tabelës dhe reklamës	225,377,938	309,949,842	345,930,032	307,879,375	268,203,139	241,528,000



Referuar realizimit të pritshëm të të ardhurave për vitin 2020, nivelit të taksës së miratuar sipas ligjit, si dhe vlerësimeve paraprake mbi përdorimin e tabelave reklamuese, parashikimi i të ardhurave për vitet 2021 – 2023, paraqitet në tabelën si më poshtë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa e tabelës	320,255,000	300,200,000	306,250,000	312,420,000
Tabelë identifikuese/sinjalizuese	255,000	200,000	250,000	300,000
Tabelë reklamuese	320,000,000	300,000,000	306,000,000	312,120,000

E) Taksa për fjetjen në hotel

Struktura e ngarkuar për mbledhjen e kësaj takse është Drejtoria e Përgjithshme e Taksave dhe Tarifave Vendore. Llogaritja e kësaj takse, bazuar në legjislacionin në fuqi, bëhet sipas ndarjes në dy kategori:

- Subjekte hoteleri me 4 – 5 yje me nivel takse për 350 lekë/dhoma;
- Subjekte hotele, bujtinë, fjetinë, motel dhe çdo njësi tjetër akomoduese sipas përcaktimeve të ligjit për turizmin në nivel takse për 140 lekë/dhoma

Gjatë vitit 2019 kjo taksë arriti nivelin më të lartë të realizimit të saj për shkak të nivelit të lartë të turizmit gjatë këtij viti dhe sistemit efikas të mbledhjes së kësaj takse, sistemit online. Sektori i hotelerisë gjatë vitit 2020 ishte një nga sektorët më të prekur dhe në bazë të raportimeve nga DPTTV, shuma e realizuar nga kjo taksë është mbledhur në muajt janar- mars dhe korrik – tetor 2020. Performanca e kësaj takse ndër vite paraqitet si më poshtë:

në lekë

	2015	2016	2017	2018	2019	I pritshmi 2020
Taksa e fjetjes në Hotel	50,480,613	67,327,716	83,170,711	98,004,072	113,966,275	40,335,000



Bazuar në të dhënat historike të realizimit të arkëtimit, parashikimi i të ardhurave nga taksa e fjetjes në hotel për vitet 2021–2023 duke marrë parasysh që mos frekuentimi i këtyre strukturave hoteliere mund të vazhdojë dhe për periudhën e parë të vitit 2021, paraqitet si më poshtë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa e fjetjes në hotel	100,000,000	60,000,000	90,000,000	95,000,000


F) Taksa mbi truallin

Baza e taksës mbi truallin është sipërfaqja e truallit në m², në pronësi apo përdorim të taksapaguesit.

Sipërfaqja e truallit në pronësi përcaktohet sipas dokumenteve që e vërtetojnë atë. Në rast të mungesës së dokumentacionit të pronësisë, përdoruesi i truallit bën një vetëdeklarim të sipërfaqes së truallit në përdorim.

në lekë

	2016	2017	2018	2019	I pritshmi 2020
Taksa mbi Truallin	36,828,390	52,741,453	55,345,234	56,079,090	49,706,000



Bashkitë ndodhen në mungesë të bazës së të dhënave për këtë taksë si dhe në pritje të akteve ligjore plotësuese për taksimin e truallit, si një taksë qendrore për t'u aplikuar nga njësitë vendore dhe si rrjedhim, planifikimi bazohet në të dhëna historike dhe trendin vjetor përkatës të ndryshimeve të arkëtimit.

Për vitet 2021 – 2023, parashikimi të ardhurave nga kjo taksë jepet në tabelë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa mbi truallin	60,000,000	60,000,000	60,000,000	60,000,000

G) Taksa mbi tokën bujqësore.


Baza e taksës mbi tokën bujqësore është sipërfaqja e tokës bujqësore, në hektar, në pronësi të taksapaguesit. Sipërfaqja e tokës në pronësi përcaktohet sipas dokumenteve që e vërtetojnë atë. Për çdo kategori minimale të tokës bujqësore, Këshilli Bashkiak mund të miratojë nënkategorizime. Vlera e taksës në lekë/hektar/vit, miratuar me akte ligjore sipas bashkive dhe kategorisë së tokës, paraqitet në tabelë:

Kategoritë e tokës bujqësore	Lekë/ha/vit
I	5 600
II	4 900
III	4 200
IV	3 600
V	3 000
VI	2 400
VII– X	1 800

Aktualisht, në mungesë të një baze të dhënash mbi tokën bujqësore, planifikimi bazohet në të dhënat historike të arkëtimit dhe trendit vjetor përkatës të ndryshimeve të arkëtimit për këtë taksë. Bashkia e Tiranës është drejt finalizimit të rregjistrimit të fermerëve të Tiranës, çka në vijim do të jetë një bazë e mirë të dhënash jo vetëm për t'u ardhur në ndihmë fermerëve, por dhe për efekt të taksimit të drejtë, bazë mbi të cilën është parashikuar një rritje në nivelin e arkëtimeve nga kjo taksë për vitet në vijim.

në lekë

	2016	2017	2018	2019	I pritshmi 2020
Taksa mbi tokën bujqësore	6,717,317	22,667,724	22,757,271	20,299,189	21,724,000



Parashikimi i të ardhurave nga taksa mbi tokën bujqësore për vitet 2021 –2023, paraqitet si më poshtë.

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa mbi tokën Bujqësore	50,000,000	30,000,000	30,000,000	30,000,000

AGJENTËT TATIMORË JASHTË BASHKISË TIRANË

H) Taksa e kalimit të së drejtës së pronësisë për pasuritë e paluajtshme.

Mbledhja e kësaj takse realizohet nga strukturat e Agjencisë Shtetërore të Kadastrës, agjent tatimor që përfiton edhe 3% të shumës së arkëtuar.

Të dhënat për parashikimin e kësaj takse merren nga Agjencia Shtetërore e Kadastrës e cila finalizon dhe evidenton të gjitha rastet e transkriptimit të pronës duke llogaritur detyrimin si për llojin e pronësisë por dhe vlerën e detyrimit mbi bazën e sipërfaqes së taksueshme.

Kështu detyrimi për banesat është në nivelin 1.000 lekë/m² dhe për objektet e biznesit është 2.000 lekë/m². Numri i objekteve që transkriptohen është i lidhur ngushtë me lejet e shfrytëzimit të lëshuara nga njësitë vendore për objektet e përfunduara por dhe nga ALUIZNI për ato të legalizuara.

Ecuria në vite për këtë taksë paraqitet në tabelën e mëposhtme:

	2015	2016	2017	2018	2019	I pritshmi 2020
Taksa mbi kalimin të drejtës pronësisë për pasuritë e paluajtshme	325,790,581	366,078,762	299,939,349	326,192,912	326,363,132	357,534,000

në lekë

Bazuar në ecurinë faktike të viteve të kaluara dhe në informacionin nga Agjencia Shtetërore e Kadastrës, parashikimi për vitet 2021 – 2023, paraqitet si më poshtë:

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa mbi kalimin të drejtës pronësisë për pasuritë e paluajtshme	320,000,000	320,000,000	320,000,000	320,000,000

në lekë



E ardhura nga taksa, mblidhet nga strukturat e Drejtorisë së Përgjithshme të Shërbimeve të Transportit Rrugor (Drejtoria Rajonale Tiranë) para kryerjes së kontrollit teknik vjetor të detyrueshëm të mjetit.

Procedura e ndarjes së të ardhurave me buxhetet e njësisve të qeverisjes vendore përcaktohet me vendim të Këshillit të Ministrave, bazuar në numrin e mjeteve të regjistruara sipas njësisve të qeverisjes vendore por e konvertuar në përqindje, në masën 25 % e të ardhurave të realizuara për çdo muaj nga agjentët tatimor DPSHTRR.

Realizimi i të ardhurave nga taksa e mjeteve të përdorura nga viti 2015 deri në vitin 2020, paraqitet në tabelën e mëposhtme:

në lekë

	2015	2016	2017	2018	2019	I pritshmi 2020
Taksa vjetore e mjeteve të përdorura	229,126,388	280,082,106	285,325,027	406,962,488	433,146,135	412,161,000



Parashikimi për vitet 2021 – 2023, paraqitet si vijon:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa vjetore e mjeteve të përdorura	420,000,000	420,000,000	420,000,000	420,000,000

J) Tatimi mbi të ardhurat personale

Të ardhurat nga tatimi mbi të ardhurat personale që u takon Njësive të qeverisjes vendore përfaqësojnë vlerën 2% e totalit të të ardhurave nga Tatimi mbi të ardhurat personale që arkëtohet nga Drejtoria e Përgjithshme e Tatimeve.

Vlen të bëjmë me dije se për vitet 2018 dhe 2019, nuk është evidentuar asnjë e ardhur nga ky burim, ku strukturë mbledhëse është Drejtoria e Përgjithshme e Tatimeve, edhe pse ligji ka hyrë në fuqi që më 1 janar 2018. Gjatë vitit 2020 është bërë një ndarje e shumës së mbledhur në rang republike për gjatë mujorin e parë të vitit 2020 duke marrë si bazë llogaritje përqindjen e numrit të banorëve për Bashkinë e Tiranës kundrejt numrit total të banorëve në vend.

Kështu, për vitin 2021 është parashikuar të bëhet arkëtimi i një pjese të të ardhurave të mbledhura për vitet 2018 dhe 2019, pjesës së mbetur të vitit 2020 dhe pjesës respektive për vitin 2021.

Në parashikimet nga kjo taksë, ndryshimi në krahasim me parashikimet e mëparshme i atribuohet edhe mënyrës së shpërndarjes ndërmjet bashkive i të ardhurave të përgjithshme të njësive vendore nga TAP. Ndërkohë që sipas parashikimeve fillestare ligjore shpërndarja do të duhej të bëhej sipas juridiksionit ku mblidhet taksa, për arsye të pamundësisë teknike, sipas MFE, shpërndarja është bërë në bazë të numrit të popullsisë të njësive vendore. Në këtë mënyrë pjesa takuese për Bashkinë e Tiranës është më e ulët se ç'do të ishte nëse shpërndarja do të bëhej në bazë juridiksioni.

Bashkia e Tiranës, për vitet 2021–2023, nisur nga llogaritjet e përafërta mbi përkatësinë e pjesës takuese nga totali i parashikuar nga DPT, ka parashikuar të ardhurat për BT, si më poshtë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Taksa mbi të ardhurat personale	775,000,000	503,000,000	190,000,000	193,800,000

K) Tatim i thjeshtuar mbi fitimin për biznesin e vogël

Çdo biznes, i cili realizonte gjatë vitit fiskal një qarkullim më të vogël ose të barabartë me 8,000,000 (tetë milionë) lekë, i nënshtrohej detyrimit të pagesës së tatimit të thjeshtuar mbi fitimin për biznesin e vogël.

Shkalla tatimore e aplikueshme mbi fitimin e tatueshëm, për tatimpaguesit që i nënshtrohen tatimit të thjeshtuar mbi fitimin e biznesit të vogël, me qarkullim vjetor nga 5 (pesë) deri në 8 (tetë) milionë lekë, ishte 5%. Tatimi i thjeshtuar mbi fitimin, për tatimpaguesit me qarkullim vjetor nga 0 (zero) deri në 5 (pesë) milionë lekë, ishte 0 (zero) lekë në vit.


Struktura e ngarkuar për vjeljen e taksës vendore mbi biznesin e vogël ishte Drejtoria e Përgjithshme e Tatimeve nëpërmjet drejtorive rajonale tatimore të cilat transferojnë të ardhurat nga Tatimi i thjeshtuar mbi fitimin e biznesit të vogël në llogarinë e Bashkisë së Tiranës sipas afateve të përcaktuara në ligj.

Gjatë vitit 2020 me anë të ligjit 106/2020 “Për disa ndryshime ne ligjin 8438 datë 28.12.1998 “Për tatimin mbi të ardhurat”, shkalla e tatimit mbi fitimin për tatimpaguesit me të ardhura deri në 14 milionë leke do të jetë 0 lekë duke filluar nga data 1 janar 2021.

Ky tatim ka pasur një realizim të ardhurash në nivelet e mëposhtëme për vitet 2015 -2020:

në lekë

	2015	2016	2017	2018	2019	I pritshmi 2020
Tatimi i thjeshtuar mbi fitimin e BV	708,247,686	274,693,674	137,752,837	156,413,623	171,559,116	210,074,000



TARIFA VENDORE

L) Tarifa e pastrimit

Tarifës së Pastrimit i nënshtrohen të gjithë familjet, personat fizikë ose juridikë, vendas ose të huaj, që banojnë dhe ushtrojnë veprimtari ekonomike brenda territorit të Bashkisë së Tiranës.

Tarifa e pastrimit dhe largimit të mbeturinave mblidhet nga dy struktura, përkatësisht nga Drejtoria e Përgjithshme e Taksave dhe Tarifave Vendore për kategorinë e biznesit dhe Ujësjellës – Kanalizime Tiranë Sha për kategorinë familjarë.

Që prej vitit 2012 e në vijim tarifa e pastrimit mblidhet nga agjenti tatimor UKT Sha, periudhë e cila shënon një rritje të ndjeshme të të ardhurave nga kjo tarifë, megjithëse jo në nivelin e kapacitetit. Si pasojë e reformimit të UKT sha, forcimit të administratës së institucionit dhe shtrirjes së kontrollit në të gjithë territorin e ri të Bashkisë së Tiranës, në vitin 2016 u arkëtuar thuajse dyfishi i të ardhurave të vitit 2015 nga kjo tarifë, ose 1.9 herë më shumë. Arkëtimi ka vijuar në nivele të qëndrueshme duke shënuar nivelin më të lartë në vitin 2018, ku përfshihen edhe disa detyrime të prapambetura të viteve të mëparshme që UKT sha nuk kishte arkëtuar pranë Bashkisë së Tiranës.

Paraqitja në vite e mbledhjes së këtyre të ardhurave është si më poshtë:

	2015	2016	2017	2018	2019	në lekë I pritshmi 2020
Tarifa e pastrimit Familjarë	353,205,579	680,162,260	660,070,341	743,133,619	651,984,449	636,792,000



Lidhur me tarifën e pastrimit nga kategoria biznesi, vihet re një ecuri pozitive që tregon një ritëm në rritje të arkëtimeve në katër vitet e fundit, në sajë të mirëadministrimit të saj nga strukturat e DPTTV.

E njëjta tarifë për kategorinë “subjekte tregtare” paraqitet në tabelën dhe grafikun në vijim:

	2015	2016	2017	2018	2019	në lekë I pritshmi 2020
Tarifa e pastrimit Subjekte	478,459,466	929,032,867	1,055,409,334	1,141,146,525	1,138,546,202	1,161,517,000



Për vitin 2021-2023, parashikimet për tarifën e pastrimit janë mbështetur në ndryshimet në paketën fiskale të Bashkisë Tiranë hyrë në zbatim në fillim të vitit 2020.

Gjatë vitit 2020, të ardhurat nga kjo tarifë kanë pësuar ulje, për shkak të marrjes së vendimit për uljen e detyrimit për kategori të caktuara që nuk kanë zhvilluar aktivitet gjatë periudhës së gjendjes së jashtëzakonshme dhe në vazhdim si pasojë e masave të marra në kuadër të distancimit social dhe limitimit të udhëtimeve brenda dhe jashtë vendit, sic janë njësitë e shërbimit për një periudhë 2 mujore, transporti i pasagjerëve për një periudhë 10 mujore dhe agjencitë turistike për një periudhë 10 mujore.

Parashikimi i të ardhurave nga subjektet e biznesit është mbështetur në kapacitetin e taksapaguesve që përfaqësojnë numrin e subjekteve aktive të evidentuara dhe nivelin e tarifës për vitin ushtrimor, në të ardhurat që trajtohen nga strukturat e DPTTV që do të kryejnë në kohë njoftimet e subjekteve për detyrimin por në veçanti do të ndjekin edhe mbledhjen e tyre.

Për kategorinë familjarë parashikimi është bazuar në numrin e familjeve raportuar nga Agjenti tatimor.

Për vitin 2021-2023, parashikimi i arkëtimit të tarifës së pastrimit për kategorinë familjarë dhe subjektet tregtare, paraqitet si më poshtë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Tarifa e pastrimit	2,116,306,000	2,185,215,000	2,228,919,000	2,273,498,000
- Familjarët	779,440,000	785,215,000	800,919,000	816,938,000
- Subjektet Tregtare	1,336,866,000	1,400,000,000	1,428,000,000	1,456,560,000

M) Tarifa për zënien e hapësirave publike

Tarifa për zënien e hapësirave publike llogaritet për sipërfaqen në m² të shfrytëzuar nga subjekti për ushtrimin e aktivitetit të indeksuar sipas zonës së vendndodhjes dhe nivelit të taksës për njësi të miratuar nga Këshilli Bashkiak.

Tarifa për zënien e hapësirave publike përbëhet nga:

- Zënia e hapësirës publike me kangjella, platforma, vazo, etj

- Zënia e hapësirës publike në tregjet publike.
- Zënia e hapësirës publike për organizimin e spektakleve ose panairove të ndryshme.

Arkëtimet nga tarifa e zënies së hapësirës publike janë rritur në mënyrë të qëndrueshme, që pas ndryshimeve në vitin 2016. Realizmi i kësaj tarife në vitin 2020 pritet të mbyllet në një nivel më të ulët për shkak të mbylljes së aktiviteteve të bar-restauranteve për periudhën mars – qershor 2020 dhe vendimit të marrë nga Keshilli Bashkiak për faljen e kësaj tarife për këtë periudhë.

në lekë

	2015	2016	2017	2018	2019	I pritshmi 2020
Tarifa për zënien e hapësirave publike	65,713,463	280,234,642	345,627,823	386,489,538	385,666,800	222,011,000



në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Tarifa për zënien e hapësirave publike	420,000,000	284,000,000	289,680,000	295,474,000
Tarifa për zënien e hapësirave publike me platforma betoni, kangjella.	400,000,000	264,000,000	269,280,000	274,666,000
Tarifa për zënien e hapësirave në tregjet publike	20,000,000	20,000,000	20,400,000	20,808,000

N) Tarifa e parkimit

Tarifa për parkimin e automjeteve në vend parkime publike përfaqëson pagesën e shërbimit që ofron Bashkia Tiranë për vendqëndrime të mjeteve kundrejt biletës, atyre të rezervuara dhe për taksitë e licensuara.

Me qëllim evidentimin dhe ndjekjen operacionale të parkimit, territori i Bashkisë Tiranë është detajuar në zona tarifore sipas tipologjive, me qëllim vendosjen dhe vjeljen e tarifës së shërbimit të parkimit publik me pagesë – mbështetur në karakteristikat funksionale të tyre.

Në vitin 2020 arkëtimet kanë pësuar ulje për faktin që терминаlet e linjave të udhëtimeve të qytetarëve dhe sheshet kanë qenë të mbyllur sipas Vkm nr.243, datë 24.3.2020 “Për shpalljen e

gjendjes së fatkeqësisë natyrore dhe kufizimeve të theksuara të levizjes së qytetareve dhe mjeteve të udhëtimit “sipas informacionit të mëposhtëm:

A.Stacionimet provizore fundore (terminalët) të linjave të udhëtimit të qytetareve:

1. Mbyllja e terminalit Nderkombëtar nga data 16 mars - 11 maj 2020
2. Mbyllja e terminalit të Juglindjes 16 mars -24 qershor 2020
3. Mbyllja e terminalit të Jug- Veri 16 mars -24 qershor 2020

B.Sheshet kanë punuar me orare të reduktuara sipas përcaktimeve të lëvizjeve të mjeteve dhe qytetarëve në zbatim të urdhërave të Këshillit të Ministrave për periudhën mars - prill 2020.

Edhe pas datës 24 qershor megjithëse levizja e mjeteve ka filluar, linjat e transportit nuk i kryejnë të gjitha oraret për të cilat janë licensuar sepse janë shumë të paktë qytetarët të cilët zgjedhin të udhetojnë duke përdorur transportin publik ndërqytetas. Ndërsa linjat e transportit ndërkombëtar kanë qenë shumë të reduktuara.

Një ndikim në relaizimin e të ardhurave nga kjo tarifë ka patur edhe ndërtimi i korsive të biçikletave, veçanërisht në rrugët kryesore të qytetit, duke reduktuar numrin e vendparkimeve.

Realizimi në vite dhe pritshmëria për vitin 2020, paraqiten në tabelën si më poshtë:

në lekë

	2015	2016	2017	2018	2019	I pritshmi 2020
Tarifa e parkimit	71,628,038	205,901,190	338,295,014	454,788,832	469,401,688	417,268,000



Parashikimet për arkëtimin e tarifës së parkimit për vitet 2021 - 2023, paraqiten si më poshtë. Pavarësisht shtimit të dy shesheve të reja si Sheshi Italia dhe Parkimi Publik 2 kate nën tokë në rrugën e Elbananit si dhe rrugë të tjera që priten të shtohen në sistemin e tarifimit zona C, heqja nga harta e parkimit e rrugëve në zonën A ka impaktuar parashikimin e të ardhurave për tre vitet e ardhshme.

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Tarifa e parkimit të automjeteve	617,200,000	505,603,000	530,883,000	557,427,000
Parkim me kontratë	154,000,000	145,603,000	152,883,000	160,527,000
Parkim me bileta	463,200,000	360,000,000	378,000,000	396,900,000

O) Tarifa për shqyrtimin e kërkesës për leje për punime

Tarifa paguhet në masën 1% të vlerës së investimit, për çdo aplikim për leje zhvillimi, infrastrukture dhe ndërtimi sipas përcaktimeve të legjislacionit në fuqi për planifikimin e territorit.

në lekë

	2016	2017	2018	2019	I pritshmi 2020
Tarifa për shqyrtimin e kërkesës për leje për punime	186,913,234	188,375,674	462,929,640	477,529,142	510,244,000



Parashikimi për tarifën e shqyrtimit e kërkesës për leje për punime për vitet 2021 – 2023, paraqitet si më poshtë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Tarifa për shqyrtimin e kërkesës për leje për punime	368,000,000	432,000,000	432,000,000	432,000,000

P) Të ardhura të tjera


Në të ardhurat e tjera përfshihen kryesisht të ardhura destinacioni i të cilave nuk identifikohet që në momentin e arkëtimit dhe shpërndahen rast pas rasti pas rakordimeve që realizohen nga DPTTV. Gjithashtu këtu përfshihen edhe të ardhurat nga qeratat e ndërtesave dhe trojeve, të ardhura nga penalitete administrative apo gjopa të vendosura nga DPTTV apo strukturave të tjera si Policia Bashkiake, Agjencia për Mbrojtjen e Konsumatorëve, etj.

Q) Të ardhura nga pagesat për kopshte, çerdhe e konvikte

Për fëmijët që frekuentojnë kopshtet dhe çerdhet paguhet tarifa mujore, e cila përbëhet nga tarifa për ushqimin që llogaritet me tarifën ditore dhe ditët e frekuentimit të fëmijës gjatë një muaji.

në lekë

	2016	2017	2018	2019	I pritshmi 2020
Të ardhura QEZHEF	159,466,560	172,962,563	188,452,835	203,445,619	123,624,000
Pagesa për kopshtet e fëmijëve	103,679,539	112,529,983	119,123,817	128,533,229	77,774,000
Pagesa për çerdhet e fëmijëve	55,787,021	60,432,581	69,329,019	74,912,390	45,850,000



Parashikimi i të ardhurave për vitet 2021 – 2023, si më poshtë vijon:

në lekë


Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Pagesa për kopshtet e fëmijëve	143,000,000	151,000,000	151,000,000	151,000,000
Pagesa për çerdhet e fëmijëve	78,500,000	78,800,000	78,800,000	78,800,000

Struktura e ngarkuar për mbledhjen e tarifave është Drejtoria e Përgjithshme e Çerdheve dhe Kopshteve

Të ardhurat e mbledhura nga pagesat e konvikteve të shkollave të mesme si më poshtë:

në lekë

	2016	2017	2018	2019	I pritshmi 2020
Pagesa per Konviktet e Shkollave te Mesme	5,104,995	5,747,030	6,744,125	6,103,881	381,000



Siç mund të vihet re të ardhurat nga pagesat për konviktet e Shkollave të Mesme janë gati zero duke marrë parasysh faktin që prej muajit mars këto struktura akomoduese kanë qenë të pa okupuara për shkak të situatës së krijuar prej pandemisë Covid 19.

Parashikimi i të ardhurave nga pagesa në Konviktet e Shkollave të Mesme, për vitet 2021 – 2023, paraqitet si më poshtë:

në lekë

Lloji i të ardhurave	Plani 2020	Parashikimi 2021	Parashikimi 2022	Parashikimi 2023
Pagesa për Konviktet e Shkollave të Mesme	6,500,000	4,600,000	4,600,000	4,600,000

III.2. Transfertat nga Buxheti i Shtetit


Transferta e Pakushtëzuar

Transfertat e pakushtëzuara, që buxheti qendror i transferon pushtetit vendor, përfshijnë fondet për përballimin e veprimtarive dhe të funksioneve që përcaktohen në aktet ligjore dhe nënligjore në fuqi. Transfertat e pakushtëzuara shpërndahen ndërmjet njësisve të pushtetit vendor sipas formulës së paraqitur në ligjin nr. 68 datë 27.04 2017 "Për financat e vetqeverisjes vendore" si dhe udhëzimeve plotësues.

Transferta e pakushtëzuar për Bashkinë e Tiranës në periudhën 2010 – 2021 paraqitet si vijon:

Emertimi	2015	2016	2017	2018	2019	2020	2021
	Plan						
Transferta e pakushtëzuar	1,339,285,600	1,531,458,969	1,913,119,744	2,138,631,000	2,348,723,419	2,424,942,357	2,438,116,570
Trendi rritjes		13%	20%	11%	9%	3%	1%

Grafikisht:



Transferta e pakushtëzuar nga Buxheti i Shtetit për vitin 2021, është në masën 2,438,116,570 lekë, me një rritje prej 1%, krahasimisht me vitin e mëparshëm. Kjo transfertë përbën rreth 12% të të ardhurave për vitin 2021.

Për vitet 2022-2023, transferta e pakushtëzuar, referuar parashikimeve të Ministrisë së Financave, do të rritet respektivisht me 4 % dhe 8% në vit.

Transferta e pakushtëzuar duhet t'u sigurojë Njësive të Qeverisjes Vendore diferencën mes kostos së ushtrimit të funksioneve (nevojat për shpenzime) dhe të ardhurave që ato krijojnë në mënyrë të pavarur.

Në vitin 2021, ashtu sikurse edhe në vitin 2020, transferta e pakushtëzuar do të përdoret për financimin e shpenzimeve operative dhe kapitale.

Transferta e Pakushtëzuar Sektoriale

Funksionet e reja që iu transferuan bashkive në vitin 2016, me Ligjin nr. 139 datë 17.12.2015, "Për Vetëqeverisjen Vendore" si Transferta Specifike do të vazhdojnë të financohen edhe në buxhetin e vitit 2021 nëpërmjet Transfertës së pakushtëzuar sektoriale . Më konkretisht:

- Konviktet e arsimit parauniversitar
- Shërbimi i mbrojtjes nga zjarri dhe shpëtimi (MZSH)
- Personeli mësimor dhe jomësimor në arsimin parashkollor dhe personeli jomësimor në arsimin parauniversitar
- Rrugët rurale
- Administrimi i pyjeve
- Ujitja dhe kullimi
- Klubet sportive shumësportëshe , "Partizani" dhe "Studenti"

Risi këtë vit përbën fondi i alokuar për herë të parë për Mbrojtjen Civile. Mënyra dhe kriteret e përdorimit të kësaj transferte specifike për mbrojtjen civile propozohen nga Ministria e Mbrojtjes në bashkëpunim me Ministrinë e Financave dhe të Ekonomisë dhe miratohen me Vendim të Këshillit të Ministrave brenda tremujorit të parë të vitit 2021.

Transferta e Kushtëzuar

Fondet e kushtëzuara për financimin e funksioneve të deleguara, nuk miratohen si pjesë përbërëse e buxhetit të njësisve vendore, por reflektohen në dokumentin e realizimit të buxhetit, si fonde të administruara nga njësitë vendore. Sipas akteve ligjore në fuqi, funksione të deleguara në pushtetin vendor janë si më poshtë, por nuk kufizohemi vetëm në ato të cituara:

Shërbimi i gjendjes civile si funksion i deleguar i detyrueshëm, parashikimi i shpenzimeve për paga, sigurime shoqërore, shpenzime operative bëhen nga bashkitë, në bazë të kuotave dhe udhëzimeve më të detajuara që bëhen nga Ministria e Brendshme. Numri i punonjësve dhe kuotat përkatëse për këtë funksion përcaktohen nga Ministria e Punëve të Brendshme.

Qendrat e Rregjistrimit të Bizneseve, si funksion i deleguar i detyrueshëm, parashikimi i shpenzimeve për paga, sigurime shoqërore dhe shpenzime operative bëhet nga bashkitë, në bazë të kuotave dhe udhëzimeve që bëhen nga Ministria e Financave dhe Ekonomisë.

Përkrahja sociale, si funksion i deleguar i detyrueshëm, Ministria e Shëndetësisë dhe Mbrojtjes Sociale detajon në fillim të vitit fondet për përkrahjen sociale për çdo njësi të qeverisjes vendore, në mënyrë specifike për ndihmën ekonomike dhe për pagesën e paafësisë.

III.3. Burime të tjera financimi / Donacione

I. Donatorë vendas dhe të huaj

Tirana është një qytet dinamik për nga zhvillimi, ndaj dhe kërkesat e nevojat e qytetit na përballin çdo ditë. Sfiduese kanë qenë për këtë vit që po mbyllim situata si ajo pas tërmeteve në fund të vitit 2019 dhe pandemia Covid-19 që përfshiu mbarë globin.

Momente të vështira ishin ato pas tërmeteve, por solidariteti e mbështetja për ata që kishin nevojë edhe atëherë nuk munguan. Ndihma të shumta shkuan për banorët që gjendeshin në vështirësi, apo ata që humbën banesat, duke u siguruar banesa të përkohshme. Solidariteti për të mbështetur të dëmtuarit nga tërmeti vazhdon edhe sot, banesat e reja janë duke u përfunduar, të ofruara me shumë bujari nga donatorë të ndryshëm, vendas e të huaj, individë apo shoqata të gjitha në mbështetje të nismës “Solidaritet për dëmet e tërmetit”, promovuar nga Bashkia Tiranë. Në këtë vit që po mbyllim me ndihmën e donatorëve janë bërë me banesa të reja të ndërtuara tërësisht nga e para rreth 70 familje, banesa të shpërndara në gjithë territorin e Bashkisë Tiranë.

Me fillimin e pandemisë Covid-19 edhe Tirana u përball me vështirësi e të papritura, në përpjekje për të menaxhuar një realitet të ri, duke dashur gjithmonë të jemi në ndihmë të shtresave më në nevojë. Të shumta ishin ndihmat e ardhura nga donatorët me pako ushqimore e higjienike për shtresat në nevojë, pensionistët, apo kategori të tjera të cilat trajtohen pranë qendrave sociale.

Të gjitha donacionet janë realizuar nëpërmjet financimit të tyre në forma të ndryshme si: sponsorizime, dhurime, grante, ndihma humanitare, ofrim shërbimesh, konsulenca, marrëveshje bashkëpunimi, etj.

Nisur nga fillimi i mandatit , në vitin 2015, Bashkia Tiranë ka arritur të sigurojë fonde donatore në vlerën 2,010,707,494 lekë për projekte specifike dhe ka finalizuar 1,836 kontrata/marrëveshje të frytshme për financimin dhe realizimin e projekteve të ndara sipas fushave të mëposhtme:

në lekë

Nr.	Emërtimi i bashkëpunimit/ projektit donator	Numri i Kontrata ve	Vlera e donacioneve
1	Projekti "Adopto një çerdhe" dhe "Adopto një kopsht"	236	215,970,720
2	Projekti i gjelbërimit, mbjelljet e reja në Tiranë, mobilim urban, rehabilitim i mjediseve publike, etj	843	394,798,228
3	Projektet e investimit në infrastrukturë, shkolla, rrugë, sinjalistike, etj	207	688,798,248
4	Dhurim automjete, pajisje, kompjutera, etj	136	148,040,572
5	Ndihma humanitare, projekte sociale, kulturore, etj	264	196,929,671
6	Marrëveshje Bashkëpunimi, Programe Financimi, Grante, etj	150	366,170,055
Totali		1,836	2,010,707,494

- Që në fillim të mandatit në vitin 2015, me prioritet janë parë sigurimi i kushteve sa më të mira për rritjen dhe edukimin e qytetarëve më të vegjël të Tiranës, këto përpjekje bënë të mundur çeljen e dy nismave: Projekti "Adopto një çerdhe" dhe "Adopto një kopsht". Donatorët e ndryshëm që janë ofruar në mbështetje të këtyre nismave, pothuaj në gjithë territorin e Bashkisë Tiranë, duke bërë të mundur jo vetëm rehabilitimin apo ndërtimin nga e para të objekteve kopshte e çerdhe, por edhe mobilimin e pajisjen me gjithshka të nevojshme, për krijimin e ambjenteve të sigurta e funksionale, për grup moshat përkatëse. Ndërhyrjet në këto ambjente kanë qenë të shumta e të konsiderueshme. Këto ndërhyrje kanë përfshirë procese të ndryshme si: heqjen e lagështirës, rikonstruksione të pjesshme, lysterje të mureve të brendshme dhe të jashtme, vendosje kondicionerësh, mobilime të ndryshme në krevatë, dyshekë, tavolina, karrike e shumë e shumë produkte të tjera, kompletimi i tualeteve si dhe kuzhinave me pajisje bashkëkohore të përshtatshme dhe të miratuara për përdorim për fëmijët e secilës grup-moshë. Gjithashtu ndërhyrje ka pasur edhe në ambientet e jashtme të kopshteve e çerdheve, ndërhyrje që kanë konsistuar në: sistemime territori, rregullimi i trotuareve, lysterje fasade, mbjellje frutash, perimesh, lule, vendosja e këndeve të lojrave, etj. Në këtë kuadër janë realizuar 236 kontrata me donatorët dhe vlera e këtyre donacioneve shkon në 215,970,720 lekë, duke siguruar ndërhyrjen në pothuaj të gjitha këto godina.
- Një tjetër nismë, e iniciuar nga Bashkia Tiranë dhe që gjeti menjëherë mbështetjen e gjerë të të gjithë qytetarëve dhe banorëve në kryeqytet, institucioneve, organizatave vendase dhe të huaja, ambasadave, bizneseve, banorëve të pallateve, nxënësve nëpër shkolla etj. është dhurimi i bimësisë dhe drurëve dekorativë për shtimin e gjelbërimit në Tiranë dhe zgjerimin e kurorës së gjelbër të Pyllit Orbital. Për rehabilitimin e

lulishteve, mbjellje të ndryshme në parqet dhe rrugët e Tiranës, sipas planifikimit për pyllëzimin e Tiranës dhe rritjen e frymëmarrjes së kryeqytetit, mobilim urban, etj, në bashkëpunim dhe koordinim të nevojave dhe zbatimit të tyre me APR dhe Drejtoria e Përgjithshme e Pastrimit dhe Gjelbërimit, si dhe në kuadër të nismave: “Pyllëzimi i Tiranës”, “Luaj@Tirana”, “Mbill pemën tënde”, “Dhuro një pemë”, “Dhuro një stol”, “Mbill një pemë në parkun/lagjen tënde” dhe “Vendos një stol në lagje apo në park”, janë realizuar 843 kontrata për projekte me fonde donatore në vlerën 394,798,228 lekë.

- Një fushë e rëndësishme, e cila ka patur vëmendje të vazhdueshme janë “Projektet e investimit në infrastrukturë”. Këtu përfshihen edhe investimet që janë bërë në objektet shkollore me mbështetjen e donatorëve; për rehabilitimin, kur ka qenë e mundur dhe ndërtimin tërësisht nga e para të tyre, kur ka qenë e nevojshme. Dëmet në këto objekte kanë qenë të shumta edhe pas tërmeteve të shtator dhe nëntor 2019. Në kohë rekord është punuar për rehabilitimin e tyre. Ndërhyrjet në objektet shkollore kanë prekur jo vetëm godinat, por edhe vendosje të sistemeve të ngrohjes, pajisje me kompjutera të laboratorëve të informatikës, mobilim të klasave, pajisje me mjete mësimore si dhe pajisje laboratorike, rehabilitimi i këndeve sportive dhe palestrave. Të shumta kanë qenë ndërhyrjet përsa i përket: rehabilitimeve në rrugë, vendosjen e sinjalistikave apo kangjellave mbrojtëse, instalimin e ndriçimit të teknologjisë inteligjente LED, risuvatimin e fasadave të pallateve, risistemimin e shtratit të lumenjve apo urave të ndryshme, etj. Këto ndërhyrje i kanë ndryshuar jo vetëm pamjen kryeqytetit, por kanë ndikuar edhe në përmirësimin e cilësisë së jetës për qytetarët. Me mbështetjen e donatorëve Bashkia Tiranë ka përmirësuar kushtet në godinat e Rezidencës Studentore Universitare Nr. 1 dhe Rezidencës Studentore Universitare Nr. 2, duke krijuar ambjente bashkëkohore akomodimi, studimi e argëtimi. Përveç ndërhyrjes për rikonstrukcion, rregullim të fasadave, dyerve, dritareve, meremetim të ambjenteve të brendshme, në godinat e RSU1 e RSU2 është bërë edhe sistemimi i ambjenteve të jashtme, mbjellja e pemëve, si dhe pajisja e një pjese të konsiderueshme të dhomave me shtretër e mobilje të reja. Janë finalizuar 207 kontrata me donatorët për projekte në infrastrukturë dhe është përthithur shuma e financimit në vlerën 688,798,248 lekë.
- Në vazhdimësi përpjekjeve të Bashkisë Tiranë për të ndihmuar shtresat në nevojë si: fëmijët dhe familjet në nevojë apo në situatë rruge, personat me aftësi të kufizuara e në pamundësi ekonomike, të moshuarit, apo çdo familje në Tiranë e gjendur në kushtet e emergjencave i janë përgjigjur pa hezitim e shumë shpejt donatorë të ndryshëm si ; biznese, shoqata, institucione apo dhe individë. Të shumtë kanë qenë donatorët në mbështetje të nismës “Solidaritet për dëmet e tërmetit”, promovuar nga Bashkia Tiranë që u janë gjendur pranë banorëve të dëmtuar në një kohë rekord me; çadra (si një strehim i përkohshëm), pako ushqimore, veshje, këpucë, elektroshtëpiake etj. Të tjerë donatorë kanë kontribuar e vazhdojnë të kontribuojnë për plotësimin e nevojave në magazinat e emergjencave të qytetit apo për realizimin e aktiviteteve bamirëse e komunitare dhe të furnizimit të përditshëm me ushqime në menca sociale të qytetit. Vijon puna për rehabilitimin e ndërtimin e banesave të dëmtuara nga tërmetet. Fillimi i pandemisë covid-19, tregoi edhe njëherë mbështetjen për ata që kanë më shumë nevojë. Janë mbyllur me sukses deri sot 264 kontrata për mbështetjen e shtresave në nevojë në territorin e Bashkisë Tiranë në vlerën donatore prej 196,929,671 lekë.
- Nga donatorë të ndryshëm është siguruar mbështetje, që përfshin: pajisje të ndryshme në ndihmë të administratës, policisë bashkiake, zjarrfikëseve, institucioneve të varësisë apo drejtorive të aparatit të Bashkisë Tiranë, në kuadër të përmirësimit të shërbimeve ofruar

qytetarëve dhe qytetit. Janë finalizuar donacionet me nënshkrimin e 136 kontratave në vlerën 148,040,572 lekë.

- Në kuadër të marrëveshjeve të bashkëpunimit për financimin dhe mbështetjen e nevojave dhe projekteve të ndryshme të Bashkisë Tiranë për investime, ndërhyrje në infrastrukturë, asistencë teknike apo ngritje kapacitetesh, studim fizibiliteti të standardit evropian etj, janë përthitur fonde në formë granti dhe financimesh të ndryshme. Këtu përfshihen të gjitha marrëveshjet që janë lidhur me donatorë të ndryshëm, individë apo kompani, për rehabilitimin e ndërtimin e banesave të dëmtuara nga tërmetet. Totali i marrëveshjeve të lidhura është 150 që arrijnë fondin prej 366,170,055 lekë.
- Bashkia Tiranë në kuadër të projektit të “Kartës së Studentit” synon nëpërmjet mbështetjes operative të burimeve të saj të krijojë një sistem, nëpërmjet të cilit të vendosë në kontakt Studentët të cilët posedojnë Kartën e Studentit me operatorët ekonomik privat, të cilët do të ofrojnë shërbimet e tyre për këta të fundit me çmime të reduktuara. Deri tani janë nënshkruar 400 marrëveshje për Kartën e Studentit dhe janë 570 pika biznesi, ku kjo kartë mund të përdoret duke qenë në dispozicion të të rinjve në kryeqytet.

II. Investime të huaja dhe projekte strategjike

Bashkia Tiranë, në vijim të aplikimeve për financimin me investitorë të huaj dhe për realizimin e projekteve strategjike nëpërmjet thirrjeve dhe programeve e projekteve të bashkëpunimit ndërkufitar e ndërkombëtar, bilateral e multilateral, Komisionin Evropian, organizma financimi me afate zbatimi afatgjata, ka arritur të fitojë disa projekte dhe të lidhë Marrëveshje Bashkëpunimi me potencial financimi të konsiderueshme, si dhe është në pritje të rezultateve të seleksionimit për disa prej tyre.

Nr	Projekte në fazë Implementimi Programi	Projekti	Fondi	Statusi I Projektit	Mënyra e Financimit
1	Cooperazione Italiana	Projekti per Emergjencat Civile			
2	Horizon 2020	Command Projekt për Emergjencat Civile	56,976 Euro	Implementim Në Vazhdim	Parafinancim
3	“Adriatic-Ionian Programme INTERREG V-B Transnational 2014-2020”,	CIRCLE - Circular Innovation and Resilient City Labs in the Adrion Region	137,475 Euro	Implementim Në Vazhdim	Parafinancim
4	IPA CBC IT-AL-MON	Civic Energy Future: Sustainable Local Energy Communities (Lec)	209,000 Euro	Implementim Në Vazhdim	Parafinancim
5	IPA CBC IT-AL-MON	Fostering Interfaith Dialogue and Enhancing Cross-border Religious Tourism (INTERFIDE-CRT)	180,033 Euro	Implementim Në Vazhdim	Parafinancim
6	City to City	Hazardous Waste Management	828,251 Euro	Implementim Në Vazhdim	Parafinancim
7	Ipa CBC Thematic	Përmirësimi I integruar I sistemit të ujësjellësit	728,802 Euro	Implementim Në Vazhdim	Parafinancim

8	Ballkan Med 2014-2020	AIRTHINGS "Fostering resource efficiency and climate change resilience through community based Air Quality Internet of Things"	148,596 Euro	Përfunduar	Rimbursim
9	Ballkan Med 2014-2020	BAS "Stimulating Citizens to Recycle Process Through the Impementation of Benefit Systems – Benefit As you Save),	96,000.00	Përfunduar	Rimbursim
10	"Adriatic-Ionian Programme INTERREG V-B Transnational 2014-2020",	SMILE (<i>FirSt and last Mile Inter-modal mobiLity in congested urban arEas of Adrion Region</i>)		Përfunduar	Rimbursim

III.4 PARASHIKIMI I SHPENZIMEVE PËR PERIUDHËN 2021 -2023

Shpenzimet e përgjithshme të Bashkisë së Tiranës për periudhën 2021-2023, për të gjitha funksionet parashikohen respektivisht në masën 20,533,368,000 lekë, 18,043,820,000 lekë dhe 18,482,092,000 lekë.

Në parashikimin e vitit buxhetor që po detajohet është përfshirë edhe fondi që planifikohet të mbartet nga viti paraardhës. Fondet e mbartura përbëjnë fondet e papërdorura në vitin respektiv të arkëtimit të tyre, ku përfshihen të ardhurat nga dy burime financimi, të ardhurat e veta dhe transfertat e pakushtëzuar.

Shpenzimet e përgjithshme të Bashkisë së Tiranës për vitet 2021-2023, parashikohen të ndara sipas programeve buxhetore si më poshtë:

në lekë

Funksioni	Plan 2020	Plan 2021	% ne strukturë	Plan 2022	Plan 2023
1 Organet ekzekutive dhe legjislative, çështjet financiare, fiskale, dhe çështjet e brendshme	2,848,867,330	3,184,899,622	16%	2,934,070,592	3,057,026,600
2 Shërbime të huamarrjes vendore	338,767,306	0	0%	0	0
3 Shërbime policore	470,482,000	510,904,300	2%	504,244,300	504,724,300
4 Shërbime të mbrojtjes ndaj zjarrit	634,632,940	615,010,029	3%	376,952,836	386,952,836
5 Çështje të përgjithshme ekonomike, tregtare dhe të punës	174,950,106	148,912,100	1%	120,418,100	125,368,800
6 Bujqësia, pyjet, peshkimi dhe gjuetia	392,724,796	314,696,278	2%	260,544,956	318,348,013
7 Transporti	3,435,624,989	2,557,982,317	12%	1,945,910,496	1,640,404,714
8 Industri të tjera	50,215,947	20,091,909	0%	15,000,000	17,000,000
9 Menaxhimi i mbetjeve	1,925,564,551	2,019,119,069	10%	1,999,119,069	2,037,119,069
10 Urbanistika	1,475,995,950	2,156,904,098	11%	1,612,022,369	706,383,367
11 Zhvillimi i komunitetit	3,060,187,356	3,192,921,147	16%	2,960,471,325	2,525,123,105
12 Ndrëçimi i rrugëve	310,000,000	326,000,000	2%	280,000,000	300,000,000
13 Shërbimet rekreative dhe sportive	294,548,575	251,270,386	1%	247,787,513	248,775,387
14 Shërbimet kulturore	426,440,470	393,885,035	2%	349,892,900	344,297,000
15 Arsimit bazë dhe parashkollor	2,613,616,342	2,295,461,837	11%	2,070,280,233	2,146,931,023
16 Arsimit parauniversitar	1,350,600,304	1,878,265,837	9%	1,726,283,012	3,327,815,485
17 Sëmundje dhe paaftësi	15,600,000	18,960,000	0%	15,600,000	15,600,000
18 Familje dhe fëmijët	238,130,720	258,083,620	1%	260,222,300	260,222,300
19 Papunësia	25,000,000	25,000,000	0%	25,000,000	25,000,000
20 Strehimi	132,078,277	165,000,000	1%	150,000,000	245,000,000
21 Fondi rezerve	150,000,000	150,000,000	1%	150,000,000	200,000,000
22 Fondi i Kontigjences	40,000,000	50,000,000	0%	40,000,000	50,000,000
TOTALI	20,404,027,959	20,533,367,583	100%	18,043,820,000	18,482,092,000


II. 1 Shpenzimet sipas klasifikimit ekonomik

Shpërndarja sipas klasifikimit ekonomik është bërë si më poshtë, ku peshën më të madhe e zënë shpenzimet operative dhe ato kapitale me 69%.

në lekë

Shpenzimet sipas klasifikimit	Plan 2020	Plan 2021	%	Plan 2022	Plan 2023
Shpenzime personeli	5,940,486,972	6,281,925,428	30%	6,281,925,428	6,281,925,428
Shpenzime të tjera operative	7,185,591,699	7,036,406,074	34%	6,604,865,283	7,711,819,649
Shpenzime kapitale	7,277,949,288	7,215,036,081	35%	5,157,029,289	4,488,346,923
TOTALI	20,404,027,959	20,533,367,583	99%	18,043,820,000	18,482,092,000

Paraqitje grafike e realizimit të shpenzimeve të vitit 2021:



II.4.1 Shpenzimet kapitale

Për vitin 2021 fondi total për shpenzime kapitale është në shumën 7,215,036,081 lekë ose 35 % ndaj totalit të shpenzimeve. Për vitet 2022 dhe 2023, buxheti i investimeve parashikohet respektivisht 5,157,029,289 lekë dhe 4,488,346,923 lekë.

Tabela më poshtë paraqet fondin e shpenzimeve kapitale për vitet 2021-2023, sipas programeve buxhetore:

<i>në lekë</i>					
Funksioni	Plan 2020	Plan 2021	% ne strukturë	Plan 2022	Plan 2023
1 Organet ekzekutive dhe legjislative, çështjet financiare, fiskale, dhe çështjet e brendshme	160,132,245	247,486,058	3%	17,500,000	0
2 Shërbime të huamarrjes vendore	0	0	0%	0	0
3 Shërbime policore	4,500,000	6,660,000	0%	0	0
4 Shërbime të mbrojtjes ndaj zjarrit	175,545,479	116,240,290	2%	0	0
5 Çështje të përgjithshme ekonomike, tregtare dhe të punës	31,112,106	10,075,300	0%	14,581,300	7,532,000
6 Bujqësia, pyjet, peshkimi dhe gjuetia	13,060,000	13,250,000	0%	0	0
7 Transporti	2,442,855,756	1,608,339,814	22%	1,027,636,205	657,289,750
8 Industri të tjera	16,792,930	5,091,909	0%	0	0
9 Menaxhimi i mbetjeve	0	0	0%	0	0
10 Urbanistika	1,267,283,400	1,954,207,798	27%	1,428,326,069	521,307,067
11 Zhvillimi i komunitetit	1,750,843,156	1,906,737,947	26%	1,684,788,125	1,004,727,641
12 Ndriçimi i rrugëve	0	0	0%	0	0
13 Shërbimet rekreative dhe sportive	68,959,575	16,122,000	0%	9,000,000	0
14 Shërbimet kulturore	33,270,070	80,593,635	1%	54,101,500	11,845,600
15 Arsimi bazë dhe parashkollor	897,498,179	476,585,194	7%	255,767,700	300,000,000
16 Arsimi parauniversitar	375,506,515	767,899,215	11%	665,328,390	1,985,644,864
17 Sëmundje dhe paaftësi	0	0	0%	0	0
18 Familje dhe fëmijët	8,511,600	5,746,920	0%	0	0
19 Papunësia	0	0	0%	0	0
20 Strehimi	32,078,277	0	0%	0	0
21 Fondi rezerve	0	0	0%	0	0
22 Fondi I Kontigjences	0	0	0%	0	0
TOTALI	7,277,949,288	7,215,036,081	100%	5,157,029,289	4,488,346,923

II.4.2. Shpenzime për Personelin

Kërkesat gjithnjë e në rritje, problematikat por edhe sfidat që ndeshen për mirëmenaxhimin e territorit të qytetit të Tiranës si dhe zgjerimin e funksioneve të reja të transferuara së fundmi, kërkojnë rritjen e numrit të personelit në Aparatin e Bashkisë së Tiranës dhe disa prej njësive organizative në varësi të këtij institucioni.

Ky miratim është i nevojshëm duke marrë në konsideratë faktorët e mëposhtëm:

- Rritjen e efijencës dhe e performancës së strukturave organizative.
- Përmirësimin e procedurave dhe respektimin e afateve proceduriale.
- Përmirësimin e shërbimit ndaj qytetarëve dhe rritjen e besueshmërisë ndaj institucionit.
- Koordinimin e administrimit territorial.
- Realizimin e plotë të objektivave.
- Maksimizimin e luftës kundër evazionit fiskal.

Numri i punonjësve i Bashkisë Tiranë do të shtohet në total me 154 (njëqindë e nëntë) punonjës, nga të cilët janë 138 nga te ardhurat dhe 16 punonjës janë nga transfertat e pakushtëzuar sektoriale. Efektet financiare të shtesës së numrit të punonjësve për vitin 2021 të reflektuar në buxhet për BT janë 105,476,624 Lekë.

Duke parë anën funksionale dhe organigramën e përgjithshme aktuale të Bashkisë së Tiranës janë propozuar ndryshimet e mëposhtme strukturore në numër punonjësish me qëllim rritjen e cilësisë dhe menaxhimit sa më me efijencë të këtyre funksioneve si më poshtë vijon;

Aparati i Bashkisë së Tiranës

Për një veprimtari me efijencë dhe transparente të administratës ndaj publikut, si dhe për t'i shërbyer sa më mirë këtij të fundit. dhe për përfitim të interesave maksimale për institucionin kërkon shtim të burimeve njerëzore prej 17 punonjës me efekt financiar 18,578,040 lekë

Njesitë Administrative

Përdorimi i platformës për aplikimin online të rindërtimit, mbarvajtja e sistemit të adresave si bashkëpunim me Zyrën e Gjendjes Civile, problematikat e ngritura nga grupet e Policisë Bashkiake në ruajtjen dhe menaxhimin e territorit, administrimit teknik i sistemit të përfituesve për ndihmën ekonomike, kërkon shtim të organikës për Njesitë Administrative, prej 9 punonjës me efekt financiar 6,148,284 lekë

Projekti Arkiva

Referuar Vendimit Nr.49, datë 03.05.2019 të Këshillit Bashkiak për “Një shtesë dhe disa ndryshime në Vendimin Nr.159, datë 21.12.2018 të Këshillit Bashkiak “Për miratimin e programit afatmesëm 2019-2021 dhe detajimin e buxhetit të Bashkisë së Tiranës, për vitin 2019” ku pranë strukturës Institucionit të Bashkisë së Tiranës funksionon struktura mbështetëse me 15 (pesëmbëdhjetë) punonjës arkivi të cilët do të bëjnë të mundur arkivimin/konservimin e dokumentacionit të institucionit dhe dorëzimin e tyre pranë njësive të arkivit qëndror. Meqenëse

puna përgatitore e arkivimit të dokumentacioni kërkon vijueshmëri të gjatë kohore, propozohet rinovimi i kontratës për këtë grup punonjësish.

Taskë-Forca

Viti 2016 do të shënonte ngritjen dhe funksionimin e strukturës së Taskë-Forcës konkretisht 70 (shtatëdhjetë) punonjës me kontratë me afat të përcaktuar 1 (një) vjeçar. Propozohet rinovimi i kontratës për këtë grup punonjësish.

Struktura komunitare

Në zbatim të nenit 68 dhe nenit 69 të ligjit 139/2015 “Për vetqeverisjen vendore”, i ndryshuar dhe duke mbajtur në konsideratë numrin e popullsisë në Njësitë Administrative dhe me qëllim drejtimin dhe organizimin e punës së këshillave komunitarë dhe ofrimin e mbështetjes për funksione të Bashkisë Tiranë, kërkohet një shtesë prej 20 (njëzetë) ndërlidhësash me komunitetin me efekt financiar në shpenzimet operative të Aparatit të Bashkisë prej 1,800,000 leke.

Drejtoria e Përgjithshme e Pastrimit dhe Gjelbërimit

Mungesa e numrit të nevojshëm të punonjësve ka sjellë mbingarkesën e punës për punonjësit e Drejtorisë së Përgjithshme e Pastrimit dhe Gjelbërimit për të realizuar detyrat e pastrimit dhe të gjelbërimit të qytetit, pasi shpesh herë vetë punëtorët e gjelbërimit janë të detyruar të angazhohen në pastrimin e mbetjeve të realizuar gjatë punës së tyre, apo edhe pastrimin e mbeturinave në rastet kur për punëtorët e pastrimit nuk është e mundur prezenca për të realizuar këto detyra në vend dhe në kohë.

Drejtoria e Pastrimit të Qytetit, sipas grafikut të miratuar nga Drejtoria e Përgjithshme e Pastrimit dhe Gjelbërimit të Punëtorëve të Qytetit kryen shërbime në:

Sip. totale për Njësitë Administrative 4.397.072 m²

Sip. totale për 13 ish Komunat 1.590.000 m²

Sip. totale për Lulishtet 154.999 m²

Sip. totale për Autostradën 105.000 m²

Sip. totale për Tregjet 284.412 m²

Sip. totale për Lumin Lana 104.039 m²

Norma ditore për një punëtor në firma private është 6.000 m², ndërsa norma ditore për një punëtor në Drejtorinë e Pastrimit të Qytetit është aktualisht 41.472 m².

Drejtoria e Zhvillimit dhe e Mirëmbajtjes së Gjelbërimit të Qytetit ka në inventarin e saj lulishte, sheshe, gjelbërim rrugor, kosha, stola dhe basene ujore. Shtimi i sipërfaqeve të gjelbërta kërkon shtim të numrit të fuqisë punëtore.

Duke menduar të mbahet i njëjti rritëm pune dhe cilësisë së shërbimit propozohet të shtohen në total 15 (pesëmbëdhjetë) punonjës, për shkak të fluksit të lartë të punëve që përballon kjo drejtori.

Efektet financiare të aplikimit të shtesës në numrin e punonjësve për vitin 2021, për Drejtorinë e Përgjithshme e Pastrimit dhe Gjelbërimit, do të jenë 8,850,024 Lekë.

Drejtoria e Përgjithshme e Rrugëve dhe Ndriçimit Publik

Fokusi dhe objektivi kryesor i punës së Drejtorisë së Përgjithshme e Rrugëve dhe Ndriçimit Publik qëndron në:

mirëmbajtjen me efikasitet të rrugëve rurale, sipas inventarit të tyre dhe administrimin e ujrave në të gjitha njësitet administrative; mirëmbajtjen e rrjetit të ndriçimit publik dhe vënien në efikasitet 100% të rrjetit semaforëve dhe sinjalistikës rrugore, në të gjitha njësitet administrative; përballimin e të gjithë situatave të përditshme dhe emergjente, që realizohen me mjetet aktuale dhe shtesë të transportit, të disponueshme në parkun e makinerive të drejtorisë, për mirëmbajtje, ndriçim-sinjalistikë, kullim, rrugë rurale.

Rritja e volumit të punës, bashkëpunimet me struktura e tjera brenda institucionet sjell si domosdoshmëri një riorganizim të Drejtorisë së Përgjithshme e Rrugëve dhe Ndriçimit Publik.

Për realizimin e këtyre objektivave, parashikohet një shtesë të numrit të përgjithshëm të punonjësve prej 7 (shtatë) punonjës, si dhe shkurtim të numrit të punonjësve me kontratë me afat të përcaktuar nga 50 punonjës në 15 (pesëmbëdhjetë) punonjës me kontratë me afat të përcaktuar, duke ekuilibruar në këtë mënyrë efektin financiar të shtesës së punonjësve të përhershëm

Drejtoria e Përgjithshme e Objekteve Publike

Objektivat që Drejtoria e Përgjithshme e Objekteve Publike kërkon të realizojë për t'iu përgjigjur më mirë sfidës që ka sjellë reforma administrative territoriale, përmes zgjerimit të territorit dhe shtimit të numrit të objekteve shkolla, kopshte, çerdhe, ndaj të cilave kërkohet shërbim mirëmbajtje, sjell të nevojshëm kërkesën për shtimim numrit të punonjësve.

Pë këtë arsye propozohet shtimi 15 (pesëmbëdhjetë) punonjës.

Efektet financiare të aplikimit të shtesës në numrin e punonjësve për vitin 2021, për Drejtorinë e Përgjithshme e Objekteve Publike, do të jenë 11,655,014 Lekë.

Drejtoria e Përgjithshme e Taksave dhe Tarifave Vendore

Për shkak të volumit të punëve propozohet shtyrja e periudhës së Kontratës së Punës për 10 punonjës të cilët kishin lidhur marrëdhëniet e punës me Drejtorinë e Përgjithshme të Taksave dhe Tarifave Vendore me afat të përcaktuar duke filluar nga data 01.01.2021-31.12.2021.

Efektet financiare të aplikimit të shtesës në numrin e punonjësve për vitin 2021, për Drejtorinë e Përgjithshme e Taksave dhe Tarifave Vendore do të jenë 7,404,228 Lekë.

Drejtoria e Përgjithshme e Çerdheve dhe Kopshteve

Referuar analizimit dhe vlerësimit të situatës aktuale propozohet një shtesë në numrin e përgjithshëm të Drejtorisë së Përgjithshme e Çerdheve dhe Kopshteve për vitin 2021 konkretisht:

Punonjës shtesë në strukturën aktuale :

2 Përgjegjës në çerdhe

24 edukator

- 1 Kuzhinier
- 2 Nd/ kuzhinier
- 5 Pastruese

Pra shtuar ne total 34 vete duke e shtuar efektin financiar në 24,050,000 mije leke (600+601)
Për sa i takon punonjësve nga transfera sektoriale, kërkohen 11 punonjës shtesë :

- 6 mesues
- 1 Kuzhinier
- 2 Nd/ kuzhinier
- 2 Pastruese

Duke shtuar efektin me 6 820 000 leke (600+601) si dhe një shtesë prej 3 (tre) punonjësish) dhe konkretisht mjek, roje, sanitar tek Instituti i Nxënësve që nuk shikojnë “Ramazan Kabashi” me efekt financiar shtesë 2,545,872 lekë nga transfera e pakushtëzuar sektoriale (arsimi parashkollor).

Agjencia e Parqeve dhe Rekreacionit

Zhvillimi, administrimi dhe mirëmbajtja e parqeve, mbrojtja e kurorave të gjelbra brenda territorit të Bashkisë së Tiranës janë disa nga detyrat funksionale të APR-së. Këtu përmendim mirëmbajtja e pjesës jugore të PMLAT (bimësi, korsi vrapimi dhe bicikletash, pedonale), realizuar sipas projektit të Bashkisë, mirëmbajtja e parqeve të reja Farkë, Kashar, Vaqarr dhe pyllit orbital me proceset e punës (kositje e barit, prerje ferrash, krasitje të drurëve dekorativë, ujitja e sipërfaqeve të gjelbëra dhe bimësisë dekorative, evadimi i mbeturinave të grumbulluara, kryerja e shërbimeve fitosanitare spërkatja me pesticide dhe herbicide, plehërim kimik). Gjithashtu shtimi I disa aktiviteteve apo rritja e volumit të punës të proceseve si:

- Mirëmbajtja e Shesheve rekreative si dhe parqeve ekzistuese
- Shtimi i aktiviteteve rekreative
- Mbjedhje dhe shtimi i bimësisë
- Kerkesës në rritje për trajtimin e bimësisë dekorative
- Mirëmbajtjen e infrastrukturës

Ndaj për të ruajtur e rritur cilesinë e shërbimit per vitin 2021 kërkohet shtim i numrit të punonjësve të kësaj agjencie:

- 10 (dhjetë) punëtorëve me kontratë pa afat
- 30 (tridhjetë) punëtorë me kontratë me afat të përcaktuar per 3 muaj

Efektet financiare të aplikimit të shtesës në numrin e punonjësve për vitin 2021, për Agjensinë e Parqeve dhe Rekreacionit do të jenë 9,004,183 Lekë.

Agjencia e Rinisë

Agjencia e Rinisë është institucion në varësi të Bashkisë Tiranë dhe administron procesin e shpërndarjes së kartës në qytetin e Tiranë si dhe ka mision kryesor hartimin dhe zbatimin e politikave vendore në Bashkinë e Tiranës në fushën e rinisë.

Në kuadër të Paktit për Universitetin, Agjencia e Rinisë angazhohet në procesin e përgatitjes dhe lëshimit të Kartës së Studentit në përputhje me kërkesat ligjore dhe nënligjore.

Në vitin akademik 2020-2021 pritet të pajisen me këtë kartë 23.000 studentë prandaj duke qenë se struktura aktuale e përbërë prej 10 përsoneash, e ka të pamundur të përballojë 7 Universitete Publike dhe 12 Private, me rreth 80.000 (tetëdhjetë mijë) studentë, propozohet shtesa prej 3 punonjës në strukturën e Agjencisë së Rinisë

Efektet financiare të aplikimit të shtesës në numrin e punonjësve për vitin 2021, do të jenë 3,109,484 lekë.

Klubi Sportiv “Tirana”

Me qëllim përmirësimin e funksionimit, organizimit, menaxhimit dhe administrimit të Klubit Sportiv “Tirana”, duke qenë se organizimi aktual strukturor i Klubit Sportiv Tirana nuk i përgjigjet plotësisht nevojave dhe përmbushjes së qëllimit të këtij klubi, propozohet ndryshimi i organikës që parashikon një reformë gjithëpërfshirëse strukturore dhe administrative të Klubit Sportiv Tirana, duke e vënë theksin në tre parime themelore, të cilët në thelb përbëjnë dhe misionin e klubit, veprimtari me efikasitet dhe efikasitet, sistem menaxhimi dhe kontrolli efektiv dhe arritje të larta sportive. Për këto arsye propozohet shtesa prej 6 punonjës në strukturën e Klubit Sportiv “Tirana”

Efektet financiare të aplikimit të shtesës në numrin e punonjësve për vitin 2021, do të jenë 5,082,192 lekë.

Agjencia e Shërbimeve Funerale

Me shtimin e sipërfaqeve të varrezave është shtuar dhe ngarkesa për mirëmbajtjen pastrimin dhe ruajtjen e tyre. Gjithashtu dhe rritja e numrit të varrimeve nga situata e pandemisë, ka sjellë domosdoshmërinë e shtimit të numrit të punonjësve. Në këto kushte propozohet shtesa prej 12 punonjës në strukturën e Agjencisë së Shërbimeve Funerale.

Efektet financiare të aplikimit të shtesës në numrin e punonjësve për vitin 2021, do të jenë 7,134,054 lekë.

Klubi Shumësportësh “Partizani”

Me qëllim përmirësimin e funksionimit, organizimit, menaxhimit të Klubit Shumësportësh “Partizani”, duke qenë se organika aktuale është e përbërë nga 8 punonjës, në të cilën mungojnë funksione si Trainer dhe Specialist (fizioterapist) tepër të domosdoshme për mbarëvajtjen e ekipeve dhe mbulimin e tyre me shërbim mjekësor si në seancat e stërvitjeve ashtu edhe gjatë ndeshjeve të kampionatit, gjithashtu në bazë të ligjit të sportit dhe rregullore të federatave sportive, në të gjitha veprimtaritë zyrtare kombëtare të të gjitha niveleve, klubi pritës sipas kalendarit duhet të ketë në dispozicion mjek ose fizioterapist, propozohet shtesa prej 2 punonjës në strukturën e Klubit Shumësportësh “Partizani”

Efektet financiare të aplikimit të shtesës në numrin e punonjësve për vitin 2021, do të jenë 1,915,460 lekë nga transferata e pakushtëzuar sektoriale.

II.4.3. Shpenzime Operative dhe të tjera

Shpenzimet operative dhe të tjera janë parashikuar në shumën 7,036,406,491 lekë për vitin 2021, 6,604,865,283 lekë për vitin 2022 dhe 7,711,819,649 lekë për vitin 2023. Këto shpenzime përbëjnë 34% të totalit të buxhetit për vitin 2020 dhe përbëhen nga:

- Shpenzimet operative të aparatit të Bashkisë dhe institucioneve në varësi;
- Përdorimi i Fondit Rezervë dhe Fondit të Kontigjencës;
- Transferata të tjera për individët

Për periudhën afatmesme 2021-2023, Fondi rezervë dhe ai i Kontigjencës, është llogaritur sipas ligjit për menaxhimin e sistemit buxhetor. Bazuar edhe në ligjin Nr. 45/2019 “Për mbrojtjen civile” për qeverisjen vendore në kuadër të përmbushjes së detyrimeve të Mbrojtjes Civile duhet parashikuar një fond për Emergjencat Civile, i cili duhet të jetë në raportin 4% kundrejt Buxhetit total vjetor. Këto fonde do të përdoren sipas përcaktimeve ligjore:

Fondi Rezervë do të përdoret për financimin e shpenzimeve që nuk mund të parashikohen gjatë hartimit të buxhetit, me vendime të Këshillit Bashkiak;

Fondi i Kontigjencës do të përdoret për të përballuar efektet e mosrealizimit të të ardhurave, nevojën e kryerjes së financimeve të reja dhe shtimin e financimeve mbi fondet e miratuara të programeve egzistuese, në rast se do të jetë e nevojshme gjithmonë me miratimin e Këshillit Bashkiak.

Transferatat për individët përbëhen nga transferatat në mbështetje sociale të shtresave në nevojë si bonusi i strehimit, stimuj ekselence, si ai për nxënësit e shkëlqyer dhe stimuj të tjerë si pagesa për bebet, të cilat do të vazhdojnë të paguhen edhe gjatë vitit 2021.

Bonusi i strehimit është një nga zërat që zë peshën më të madhe buxhetore ndër transferatat për individët, si pasojë e gjendjes së emergjencës së shkaktuar nga tërmeti i datës 26 nëntor 2019, në zbatim të vendimit të miratuar nga Këshilli i Ministrave nr. 750, datë 27.11.2019, “Për shpalljen e gjendjes së fatkeqësisë natyrore në qarqet Durrës, Tiranë dhe Lezhë” si dhe në përputhje me ligjin “Për mbrojtjen civile”.

Bashkia e Tiranës është duke marrë një sërë masash të jashtëzakonshme për përballimin e kësaj situate, duke akorduar fonde shtesë për bonusin e strehimit dhe fondin e emergjencave.

Në thelb të planifikimit të shpenzimeve operative është racionalizimi i shpenzimeve administrative, duke vënë theksin në rritjen e financimit për shërbimet publike me qëllimin e përdorimit të tyre për përmbushjen e funksioneve kryesore të Bashkisë së Tiranës.

Peshën më të madhe në shpenzimet operative e mbajnë funksionet prioritare të Bashkisë së Tiranës: shërbimet publike vendore, arsimit parashkollor dhe parauniversitar, transporti rrugor, shpenzime të cilat financojnë ofrimin e shërbimeve ndaj qytetaëve, duke mbajtur fokusin në uljen e shpenzimeve administrative.

Shpenzimet operative dhe të tjera për vitet 2021-2023 parashikohen sipas programeve buxhetore si më poshtë:

në lekë

Funksioni	Plan 2020	Plan 2021	Plan 2022	Plan 2023
Organet ekzekutive dhe legjislativë, çështjet financiare, fiskale, dhe				
1 çështjet e brendshme	958,300,085	1,130,866,964	1,110,023,992	1,250,480,000
2 Shërbime të huamarrjes vendore	338,767,306	0	0	0
3 Shërbime policore	20,000,000	24,000,000	24,000,000	24,480,000
4 Shërbime të mbrojtjes ndaj zjarrit	314,603,972	346,469,851	224,652,948	234,652,948
Çështje të përgjithshme ekonomike, tregtare dhe të punës				
5	110,000,000	105,000,000	72,000,000	84,000,000
6 Bujqësia, pyjet, peshkimi dhe gjuetia	206,698,796	126,837,078	85,935,756	143,738,813
7 Transporti	534,361,233	485,836,402	454,468,191	519,308,864
8 Industri të tjera	33,423,017	15,000,000	15,000,000	17,000,000
9 Menaxhimi i mbetjeve	1,925,564,551	2,019,119,069	1,999,119,069	2,037,119,069
10 Urbanistika	52,464,550	45,000,000	26,000,000	27,380,000
11 Zhvillimi i komunitetit	561,027,200	500,500,000	490,000,000	734,712,264
12 Ndriçimi i rrugëve	310,000,000	326,000,000	280,000,000	300,000,000
13 Shërbimet rekreative dhe sportive	164,065,000	163,600,000	167,239,127	177,227,001
14 Shërbimet kulturore	319,802,400	239,775,000	222,275,000	258,935,000
15 Arsimit bazë dhe parashkollor	535,965,680	532,964,110	528,600,000	561,018,490
16 Arsimit parauniversitar	337,027,789	427,440,000	378,028,000	659,244,000
17 Sëmundje dhe paaftësi	15,600,000	18,960,000	15,600,000	15,600,000
18 Familje dhe fëmijët	132,920,120	139,037,600	146,923,200	146,923,200
19 Papunësia	25,000,000	25,000,000	25,000,000	25,000,000
20 Strehimi	100,000,000	165,000,000	150,000,000	245,000,000
21 Fondi rezerve	150,000,000	150,000,000	150,000,000	200,000,000
22 Fondi I Kontigjences	40,000,000	50,000,000	40,000,000	50,000,000
TOTALI	7,185,591,699	7,036,406,074	6,604,865,283	7,711,819,649

Bilanci përmbledhës i të ardhurave dhe shpenzimeve të parashikuara për periudhën 2021 – 2023 paraqitet në tabelën si më poshtë në lekë:

	E m ë r t i m i	PARASHIKIMI 2020	PARASHIKIMI 2021	Ne %	PARASHIKIMI 2022	PARASHIKIMI 2023
I	Të ardhura të taksueshme	10,017,826,000	9,859,760,000	48%	9,669,898,000	9,774,687,000
1	Taksa mbi pasurinë e paluajtshme	2,689,000,000	2,612,560,000	13%	2,684,568,000	2,759,005,000
a	Familjarët	769,000,000	658,560,000	0	691,488,000	726,063,000
b	Subjektet Tregtare	1,920,000,000	1,954,000,000	0	1,993,080,000	2,032,942,000
2	Taksa mbi token Bujqesore	50,000,000	30,000,000	0	30,000,000	30,000,000
3	Taksa mbi truallin	60,000,000	60,000,000	0%	60,000,000	60,000,000
4	Tatimi Thjeshtuar mbi Fitimin e BV	170,000,000	0	0%	0	0
5	Taksa e fjetjes në hotel	100,000,000	60,000,000	0%	90,000,000	95,000,000
6	Taksa e ndikimit ne infrastrukture nga ndertim	4,300,000,000	4,800,000,000	23%	4,800,000,000	4,800,000,000
7	Taksa mbi kalimin të drejtës pronësisë për pas	320,000,000	320,000,000	2%	320,000,000	320,000,000
8	Taksa vjetore e mjeteve te perdorura	420,000,000	420,000,000	2%	420,000,000	420,000,000
9	Taksa mbi te ardhurat personale	775,000,000	503,000,000	2%	190,000,000	193,800,000
10	Taksa e tabelës	320,255,000	300,200,000	1%	306,250,000	312,420,000
a	Tabelë identifikuese/sinjalizuese	255,000	200,000	0%	250,000	300,000
b	Tabelë reklamuese	320,000,000	300,000,000	1%	306,000,000	312,120,000
11	Taksa e përkohëshme per infrastrukturen Arsi	813,571,000	754,000,000	4%	769,080,000	784,462,000
	Familjarët	313,571,000	314,000,000	2%	320,280,000	326,686,000
	Subjektet Tregtare	500,000,000	440,000,000	2%	448,800,000	457,776,000
II	Të ardhura jo tatimore	4,606,420,000	4,467,038,000	22%	4,541,902,000	4,619,219,000
1	Tarifat	3,595,420,000	3,419,638,000	17%	3,494,502,000	3,571,819,000
a	Tarifa e pastrimit	2,175,320,000	2,185,215,000	11%	2,228,919,000	2,273,498,000
a.1	Familjarët	779,440,000	785,215,000	4%	800,919,000	816,938,000
a.2	Subjektet Tregtare	1,395,880,000	1,400,000,000	7%	1,428,000,000	1,456,560,000
b	Tarifa e parkimit te automjeteve	617,200,000	505,603,000	2%	530,883,000	557,427,000
b.1	Parkim me kontratë	154,000,000	145,603,000	1%	152,883,000	160,527,000
b.2	Parkim me bileta	463,200,000	360,000,000	2%	378,000,000	396,900,000
c	Tarifa për shqyrtimin e kërkesës për leje për p	368,000,000	432,000,000	2%	432,000,000	432,000,000
d	Tarifa dhenie licence tregtim karburanti +Lend	0	0	0%	0	0
e	Tarifa për zënien e hapësirave publike	420,000,000	284,000,000	1%	289,680,000	295,474,000
e.1	Tarifa për zënien e hapësirave publike me platforma betoni,kangjella.	400,000,000	264,000,000	1%	269,280,000	274,666,000
e.2	Tarifa për zënien e hapësirave në tregjet publike	20,000,000	20,000,000	0%	20,400,000	20,808,000
f	Tarifa e sherbimit veterinarë	4,900,000	5,320,000	0%	5,320,000	5,420,000
g	Tarifa sherbimi te MZSH	10,000,000	7,500,000	0%	7,700,000	8,000,000
2	Të ardhura të tjera	783,000,000	813,000,000	4%	813,000,000	813,000,000
a	Te ardhura nga qerate	63,000,000	63,000,000	0%	63,000,000	63,000,000
b	Te ardhura te institucioneve te varesise	170,000,000	150,000,000	1%	150,000,000	150,000,000
c	Te ardhura te tjera (penalite administrative; te padetajuara; etj.)	550,000,000	600,000,000	3%	600,000,000	600,000,000
3	Pagesa	228,000,000	234,400,000	1%	234,400,000	234,400,000
a	Per kopshtet e femijeve	143,000,000	151,000,000	1%	151,000,000	151,000,000
b	Per çerdhet e femijeve	78,500,000	78,800,000	0%	78,800,000	78,800,000
c	Per Konviktet e Shkollave te Mesme	6,500,000	4,600,000	0%	4,600,000	4,600,000
	Shuma	14,624,246,000	14,326,798,000	70%	14,211,800,000	14,393,906,000
	Transferta e pakushtezuar e pergjithshme	2,424,942,357	2,438,116,570	12%	2,532,020,000	2,738,186,000
	Transferta e pakushtezuar sektoriale	1,176,039,602	1,368,453,013	7%	1,300,000,000	1,350,000,000
	Të ardhura të mbartura	2,178,800,000	2,400,000,000	12%	0	0
	Totali i të ardhurave	20,404,027,959	20,533,367,583	100%	18,043,820,000	18,482,092,000
I.	Shpenzime Korrente	12,936,078,671	13,118,331,502	1	12,696,790,711	13,743,745,077
1	Personeli (Paga dhe Sigurime Shoqerore)	5,940,486,972	6,281,925,428	31%	6,281,925,428	6,281,925,428
2	Shpenzime per interesa	338,767,306	0	0%	0	0
3	Shpenzime Operative Mirëmbajtje	6,113,831,221	6,213,898,624	30%	5,923,001,135	6,863,675,501
4	Transferta Individe	501,993,172	416,006,103	2%	278,689,200	383,689,200
5	Transferta të brendshme	41,000,000	206,501,348	1%	213,174,948	214,454,948
6	Transferta jashtë			0%		
II.	Fondi Rezervë, Kontigjenca	190,000,000.000	200,000,000.000	1%	190,000,000.000	250,000,000.000
1	Fondi Rezervë	150,000,000.000	150,000,000.000	1%	150,000,000.000	200,000,000.000
2	Fond Kontigjenca	40,000,000.000	50,000,000.000	0%	40,000,000.000	50,000,000.000
III	Shpenzime Kapitale	7,277,949,288	7,215,036,081	35%	5,157,029,289	4,488,346,923
	Financim i Brendshëm			0%		
	Totali i shpenzimeve	20,404,027,959	20,533,367,583	100%	18,043,820,000	18,482,092,000